



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

ստանձնել և տարածել նյութը ցանկացած մեդիայով կամ կրիչով
մեղմելով կամ օգտագործել անկա նյութը առեղծված համար նորը


You are free to:

Share — copy and redistribute the material in any medium or format

Adapt — remix, transform, and build upon the material

Handwritten

Successes



ՀՐԱՏԱՐԱԿՈՒԹԻՒՆ ՊԵՐՊԵՐԵԱՆ ԳՐԱՏԱՆ

ՀԱՄԱՌՈՏ

ԺԱՄԱԳԻՐԻ

ՀԱՅԱՍՏԱՆԵԱՅՑ Ս. ԵԿԵՆԵՑԻՈՅ

ԵՐԿՐՈՐԴ ՏՊԱԳՐՈՒԹԻՒՆ


A $\frac{I}{18906}$



ՏՊԱՐԱՆ «ՊԱՅԻՔԱՐ»Ի

Պուսթոն, Մեա.

1923





281-6

2 - 20

ԵՐԿՈՒ ԽՕՍՔ

(Ա. ՏՊԱԳՐՈՒԹԵՆԷՆ)

Կարելոր պահանջի մը կարելիութեան սահմանին մէջ գոհացում տալու արդար գիտակցութեամբ կը ձեռնարկեմ սոյն հրատարակութեան:

Համառօտ եւ ամփոփ ԺԱՄԱԳԻՐԲ մըն է ասիկա, ուր եկեղեցասէր հայեր պիտի գտնեն, սովորական ժամասացութեան կարելորագոյն մասերէն զատ, նաեւ՝ ՊԱՏԱՐԱԳԻ, ԾՆՆԴԵԱՆ ու ՄԿՐՏՈՒԹԵԱՆ, ԱԻԱԳ ՇԱԲ-ԹՈՒ եւ ԶԱՏԿԻ, ինչպէս նաեւ Մեծ Պահոց ԱՐԵՒԱԳԱԼԻ երգերը, եւայլն:


Հրատարակիչ

ՅԱՐ. Գ. ՊԵՐՊԵՐԵԱՆ

1 Յուլիս 1923

Պոսթոն, Մէս.

A-I
18906



ՀՐԱԺԱՐՈՒՄՆ

Հրաժարիմք ի սատանայէ եւ յամենայն խաբէութենէ նորա . ի պատրանաց նորա . ի խորհրդոց նորա . ի գնացից նորա . ի չար կամաց նորա . ի չար հրեշտակաց նորա . ի չար պաշտօնէից նորա . ի չար կամարարաց նորա . եւ յամենայն չար զօրութենէ նորա հրաժարելով հրաժարիմք :

Զայս երիցս կրկնեա՝ երես ի յարեւմուտս եւ ձեռս ի կոր ունեցալով՝ եւ ապա դառնալ յարեւելս եւ սկսանիլ զդաւանութիւն ուղղափառ հաւատոյ , բացագլուխ եւ ձեռնամաժ կերպիւ եւ ասէ .

Պոստովանիմք եւ հաւատամք ամենակատար սրտիւ զՀայրն Աստուած՝ անեղ, անձին եւ անսկիզբն . այլ եւ ծնող Որդւոյ եւ բղխող Հոգւոյն սրբոյ : Հաւատամք զբանն Աստուած՝ անեղ ծնեալ՝ եւ սկսեալ ի Հօրէ նախ քան զյաւիտեանս : Ոչ յետոյ եւ ոչ կրտսեր . այլ որքան Հայրն Հայր՝ ընդ նմին եւ Որդին Որդի : Հաւատամք զսուրբ Հոգին՝ անեղ անժամանակ . ոչ ծնեալ՝ այլ բղխեալ ի Հօրէ էակից Հօր եւ փառակից Որդւոյ : Հաւատամք զերբորդութիւնն սուրբ մի բնութիւն, մի Աստուածութիւն . ոչ երեք աստուածք, այլ՝ մի Աստուած . մի կամք . մի թաղաւորութիւն, մի իշխանութիւն, արարիչ երեւելեաց եւ աներեւութից : Հաւատամք յեկեղեցի սուրբ, զթողութիւն մեղաց հաղորդութեամբ սրբոյ : Հաւատամք զմինն յերից անձանց զբանն Աստուած՝ ծնեալ ի Հօրէ նախ քան զյաւիտեանս . ի ժամանակի իջեալ յԱստուածածին կոյսն Մարիամ . առեալ յարենէ նորա՝ միաւորեաց ընդ իւրում Աս-

տուածութեանն. իննամսեայ ժուժկալեալ յարդանդի ա-
նարատ Կուսին. եւ եղեւ Աստուածն կատարեալ՝ մարդ
կատարեալ. հոգւով եւ մտօք եւ մարմնով մի անձն, մի
դէմ եւ միաւորեալ մի բնութիւն: Աստուածն մարդացեալ
առանց փոփոխման եւ առանց այլայլութեան. անսերմն
յղութիւն եւ անապական ծնունդ, որպէս ոչ է սկիզբն
Աստուածութեան նորա՝ եւ ոչ վախճան մարդկութեան
նորա: (Զի Յիսուս Քրիստոս երէկ եւ այսօր՝ նոյն եւ յա-
ւիտեան): Հաւատամք զՏէրն մեր Յիսուս Քրիստոս շրջ-
եալ ի վերայ երկրի: Յետ երեսուն ամաց եկեալ ի մկրտու-
թիւն: Հայր ի վերուստ վկայեալ՝ Դա է որդի իմ սիրելի
եւ Հոգին սուրբ աղանակերպ իջեալ ի վերայ նորա: Փորձ-
եալ ի սատանայէ եւ յաղթեալ նմա: Քարոզեալ մարդկան
զդիւրկութիւն: Աշխատեալ մարմնով, վաստակեալ, քաղց-
եալ եւ ծարաւեալ: Յետոյ եկեալ կամաւ ի չարչարանս,
խաչեալ եւ մեռեալ մարմնով. եւ կենդանի՝ Աստուածու-
թեամբն: Մարմինն եղեալ ի գերեզմանի՝ միաւորեալ Աս-
տուածութեամբն, եւ Հոգւովն իջեալ ի դժոխս՝ անբաժա-
նելի Աստուածութեամբն: Քարոզեալ հոգւոցն աւերեալ
զդժոխս՝ եւ ազատեալ զհոգիսն: Յետ երից աւուրց յա-
րուցեալ ի մեռելոց եւ երեւեալ աշակերտացն: Հաւատամք
զՏէրն մեր Յիսուս Քրիստոս նովին մարմնովն համբարձ-
եալ յերկիմս եւ նստեալ ընդ աջմէ Հօր: Այլ եւ գալոց է
նովին մարմնովն եւ փառօք Հօր ի դատել զկենդանիս եւ
զմեռեալս: Որ եւ յարութիւն ամենայն մարդկան: Հաւա-
տամք եւ զհատուցումն զործոց, արդարոցն կեանք յաւի-
տենական, եւ մեղաւորացն տանջանք յաւիտենական:

Բաց զգիրս զայս եւ ընթերցօիր առաջի խոստովանա-
հօր քո, երբ երթիցես խոստովանիլ զմեղս :

ԶՂԶՈՒՄՆ

Մեղայ ամենասուրբ Երրորդութեանն Հօր եւ Որդւոյ
եւ Հոգւոյն սրբոյ : Մեղուցեալ եմ Աստուծոյ : Պոստովա-
նիմ առաջի Աստուծոյ եւ սրբուհւոյ Աստուածածնին եւ ա-
ռաջի քոյ Հայր սուրբ, զամենայն մեղս զոր գործեալ եմ :
Քանզի մեղայ խորհրդով բանիւ եւ գործով, կամայ եւ ա-
կամայ, գիտութեամբ եւ անգիտութեամբ, մեղայ Աս-
տուծոյ : Մեղայ Հոգւովս եւ զօրութեամբ սո-
րա. մտօքս եւ չարժամար սորա, մարմնովս եւ
զգայութեամբ սորա : Մեղայ զօրութեամբ Հոգ-
ւոյս, խորամանկութեամբ, անզգամութեամբ, յանդգնու-
թեամբ եւ երկչոտութեամբ, շռայլութեամբ եւ ժխտու-
թեամբ, զեղիւթեամբ եւ անիրաւութեամբ, չարահաւա-
նութեամբ, յուսահատութեամբ եւ թերամտութեամբ մե-
ղայ Աստուծոյ : Մեղայ չար խորհրդով մտացս. նենգու-
թեամբ, ատելութեամբ. խեթիւ, մախանօք, յաչախա-
նօք, թուլութեամբ, պոռնկական խորհրդով, արուական,
իգական, անասնական, գրաստական, գազանական, ի գի-
շերի եւ ի տուընջեան երազական գիճութեամբ եւ յանբը-
ջական գարշ աղտեղութեամբ՝ մեղայ : Մեղայ ցանկու-
թեամբ մարմնոյս հեշտութեամբ՝ պղերգութեամբ՝ յօ-
րանջմամբ քնոյ՝ չարժութեամբ մարմնոյս եւ զազրազոր-
ծութեամբ ի պէս պէս ախտս, հեշտայրութեամբ լսել-
եացս, տրատութեամբ աչացս, ցանկութեամբ սրտիս, ի-
զութեամբ ոնգացս, պազչոտութեամբ բերանոյս, ան-
ժուժկալութեամբ, շուայտութեամբ եւ արբեցութեամբ՝
մեղայ Աստուծոյ : Մեղայ չարաբանութեամբ լեզուիս,

ստախօսութեամբ. սուտ երդմամբ, երդմնազանցութեամբ, հակառակութեամբ, վիճարանութեամբ. քանսարկութեամբ, շոգմոգութեամբ, քսու, դատարկարանութեամբ եւ ծաղու. գրախօսութեամբ, հերձախօսութեամբ եւ անիծարանութեամբ, տրտնջելով, դժգոհելով, բամբասելով եւ հայհոյելով. մեղայ: Մեղայ գողութեամբ ձեռացս, ազահելով, գրկելով, հարկանելով, քապանանելով եւ ընդ դարչս ածելով, մեղայ Աստուծոյ: Մեղայ ամենայն յօղուածովք շինուածոյս եւ ամենայն անդամօք մարմնոյս. եօթնեակ զգայարանօքս եւ վեցեկի չարժմամբս. վենամբարձ ոտնահարութեամբ եւ վայրաքարչ մեղկութեամբ, յաջ եւ յահեակ խոտորելով. առաջնոցն մեղանչելով, եւ վերջնոցն չար նշաւակ գողով՝ մեղայ Աստուծոյ: Այլ եւ մեղայ եօթնիցս յանցանօք մահացու մեղօք. Հպարտութեամբ եւ մասամբ նորին. Նախանձու եւ մասամբ նորին. Բարկութեամբ եւ մասամբ նորին. Մոլութեամբ եւ մասամբ նորին. Ազահութեամբ եւ մասամբ նորին. Որկրամոլութեամբ եւ մասամբ նորին. Բիշախոհութեամբ եւ մասամբ նորին՝ մեղայ Աստուծոյ: Այլ եւ մեղայ ամենայն սլատուիրանացն Աստուծոյ, յանձնառելեացն եւ հրաժարելեացն. զի ոչ զյանձնառականսն կատարեցի եւ ոչ ի հրաժարելեացն հեռացայ: Զօրէնս առի՝ եւ յօրինացն յեղզացայ. ի կարգս քրիստոնէութեան հրաւիրեցայ եւ գործովս անարժան դտայ. Գիտելով զչարն՝ կամաւ կորացայ. եւ ի բարեաց գործոց ես ինձէն հեռացայ. Վա՛յ ինձ, վա՛յ ինձ, վա՛յ ինձ: Զո՞րն ասեմ, կամ զո՞րն խոստովանիմ. զի անթիւ են յանցանք իմ. անասելի են անօրէնութիւնք իմ. աններելի են ցաւք իմ. եւ անբժշկելի են վէրք իմ. մեղայ Աստուծոյ:

Հայր սուրբ՝ զքեզ ունիմ միջնորդ հաշտութեան՝ եւ

բարեխօս առ միածին Որդի Աստուծոյ, զի իշխանութեամբդ որ տուեալ է քեզ՝ արձակեսցես զիս ի կապից մեղաց իմոց, աղաչեմ զքեզ:

ԱՐՁԱԿՈՒՄՆ

Ողորմեսցի քեզ մարդասէրն Աստուած, եւ թողութիւն չնորհեսցէ ամենայն յանցանաց քոց. խոստովանացելոցդ եւ մոռացելոցդ: Եւ ես կարգաւս քահանայական իշխանութեամբ եւ հրամանաւն Աստուածային թէ (Զոր արձակիցէ՛ք յերկրի, եղիցի արձակեալ յերկինս) Նովին բանին արձակեմ զքեզ յամենայն մասնակցութենէ մեղաց քոց, ի խորհրդոց ի բանից եւ ի գործոց. յանուն Հօր եւ Որդւոյ եւ Հոգւոյն սրբոյ: Եւ դարձեալ տամ զքեզ ի խորհուրդս սուրբ եկեղեցւոյ. զի զոր ինչ գործիցես բարիս, եղիցի քեզ ի բարեգործութիւն եւ ի փառս հանդերձեալ կենաոն. ամէն:

ԱՌԱՒՕՏԵԱՆ ԺԱՄԵՐԳՈՒԹԻՒՆ



Քհնյ. Օրհնեալ Տէր մեր Յս. Քս. ամէն:

Տէր եթէ զչրթունս իմ բանաս, բերան իմ երգեսցէ զօրհնութիւնս քո:

Սրկ. Օրհնեալ է Աստուած:

Քհնյ. Տէր եթէ զչրթունս իմ բանաս, բերան իմ երգեսցէ զօրհնութիւնս քո:

Սրկ. Օրհնեալ է Աստուած:

Քհնյ. Օրհնեալ համագոյ եւ միասնական անբաժանելի Սուրբ Երրորդութիւնն՝ Հայր եւ Որդի եւ Հոգի Սուրբ, այժմ:

Սրկ. Եւ եւս խաղաղութեան:

Քհնյ. Օրհնութիւն եւ փառք:

Դպ. Տէ՛ր, զի բազում եղեն նեղիչք իմ, եւ բազումք յարեան ի վերայ իմ:

Բազումք ասէին զանձնէ իմմէ, թէ չի՛ք փրկելութիւն սորա առ Աստուած իւր:

Այլ դու Տէր՝ օգնական իմ ես, փառք իմ եւ բարձրացուցիչ գլխոյ իմոյ:

Ձայնիւ իմով ես առ Տէր կարդացի եւ լուաւ ինձ ի լեռնէ սրբոյ իւրմէ:

Ես ննջեցի եւ ի քուն եղէ, զարթեայ եւ Տէր ընդունելի իմ է:

Ո՛չ երկեայց ես ի բիւրաւոր զօրաց նոցա, ոյք շուրջանակի պատեալ պաշարեալ պահէին զիս:

Արի՛ Տէր եւ փրկեա՛ զիս, Աստուած իմ, զի դու հարբեր զամենեւեան, ոյք էին ընդ իս թշնամութեամբ, ի տարապարտուց, եւ զատամունս մեղաւորաց փշրեսցես:

Տեառնդ էփրկութիւն՝ ի վերայ ժողովրդեան քո, օրհնութիւն քո:

Տէր Աստուած փրկութեան իմոյ ի տուէ կարգացի եւ գիշերի առաջի քո:

Մտցեն աղօթք իմ առաջի քո Տէր, խոնարհեացի ունկն քո ի խնդրուածս իմ:

Զի լցաւ չարչարանօք անձն իմ եւ կեանք իմ ի դժոխս մերձեցան, եւ համարեցայ ես ընդ այնոսիկ որք իջանեն ի գուր:

Եղէ ես որպէս մարդ առանց օգնականի եւ ի մեռեալս ազատ:

Որպէս զվիրաւորս որք ննջեն ի գերեզմանս:

Զորս դու ո՛չ յիշեցիր, նոքա ի ձեռանէ քումմէ մերժեցան:

Եդին զիս ի գրի ներքումն ի խաւարի եւ ի ստուերս մահու:

Յիս հաստատեցաւ սրտմտութիւն քո զամենայն զրօսանս քո ամեր ի վերայ իմ:

Հեռի արարեր յինէն զծանօթս իմ, եւ եդին զիս նշաւակ իւրեանց:

Մատնեցայ եւ ո՛չ ելանէի, աչք իմ տկարացան յաղքատութենէ:

Աղաղակեցի առ Տէր զօրհանապաղ, եւ համբարձի առ քեզ զձեռս իմ:

Միթէ մեռելոց առնիցե՞ս զսքանչելիս քո կամ բժիշկք յարուցեալ խոստովան առնիցին առ քեզ:

Միթէ պատմեսցէ՞ ոք երբեք ի գերեզմանի զողորմութիւնս քո, կամ զճշմարտութիւնս քո ի կորստեան:

Միթէ ճանաչիցե՞ն ի խաւարի սքանչելիք քո, կամ արդարութիւն քո յերկիր մոռացեալ:

Ես առ քեզ Տէր աղաղակեցի, առաւօտու ա-
ղօթք իմ ժամանեցեն առ քեզ:

Ընդէ՞ր Տէր մերժես զանձն իմ, կամ դարձու-
ցանես զերեսս քո յինէն:

Տնանկ եւ վաստակաւոր եմ ես ի մանկութենէ
իմմէ, ի բարձրութենէ խոնարհեցայ եւ ապշեցայ:

Յիս հաստատեցաւ բարկութիւն քո, արհա-
ւիրք քո խռովեցուցին զիս:

Շրջեցան զինեւ որպէս ջուր, զոր ամենայն
պաշարեցին զիս ի միասին:

Հեռի արարեր յինէն զբարեկամս իմ եւ զծա-
նօթս իմ վասն թշուառութեան իմոյ:

Օրհնեա՛ անձնիմ զՏէր, եւ ամենայն ոսկերք
իմ զանուն սուրբ նորա:

Օրհնեա՛ անձն իմ զՏէր, եւ մի՛ մոռանար զա-
մենայն տուրս նորա:

Ո՛ր քաւէ զմեղս քո, բժշկէ զամենայն հիւան-
դութիւնս քո:

Ո՛ր փրկէ յապականութենէ զկեանս քո, պսա-
կէ զքեզ ողորմութեամբ եւ գթութեամբ:

Ո՛ր լնու ի բարութենէ զցանկութիւն քո, նո-
րոգեսցի որպէս արծուոյ մանկութիւն քո:

Առնէ ողորմութիւնս Տէր, եւ իրաւունս ամե-
նայն զրկելոց:

Եցոյց Տէր զճանապարհս իւր Մովսէսի, եւ
որդւոցն Իսրայէլի զկամս իւր:

Գթած ողորմած է Տէր, երկայնամիտ եւ բա-
զումողորմ:

Ո՛ր չ խապառ բարկանայ մեզ Տէր, եւ ոչ յաւիտ-
եան պահէ ոխս:

Ո՛ր չ ըստ մեղաց մերոց արար մեզ Տէր, եւ ո՛ր չ

ըստ անօրէնութեան մերում հատոյց մեզ:

Այլ որպէս բարձր են երկինք յերկրէ, այնպէս զօրացոյց Տէր զողորմութիւն իւր ի վերայ երկիւղածաց իւրոց:

Որչափ հեռի են արեւելք յարեւմտից, այնչափ հեռի արար ի մէնջ զանօրէնութիւնս մեր:

Որպէս գթայ հայր ի վերայ որդւոց իւրոց, այնպէս գթասցի Տէր յերկիւղածս իւր:

Զի նա գիտաց զստեղծուածս մեր եւ յիշեաց թէ հող եմք:

Մարդոյ որպէս խոտոյ են աւուրք իւր, որպէս ծաղիկ վայրի այնպէս ծաղկի:

Շնչէ ի նմա հողմ, եւ ո՛չ է, եւ ո՛չ եւս երեւի տեղի նորա:

Բայց ողորմութիւն Տեառն մնայ յաւիտեանս յաւիտենից ի վերայ երկիւղածաց իւրոց, եւ արդարութիւն նորա յորդւոց մինչեւ յորդիս:

Ոյք պահեն զուխտս նորա, յիշեն զպատուիրանս նորա եւ առնեն զնա:

Տէր յերկինս պատրաստեաց զաթոռ իւր, արքայութիւն նորա ամենեցուն տիրէ:

Օրհնեցէ՛ք զՏէր ամենայն հրեշտակք նորա, հզօրք զօրութեամբ, ոյք առնէք զբան նորա ի լսել ձայնի պատգամաց նորա:

Օրհնեցէ՛ք զՏէր ամենայն զօրութիւնք նորա, պաշտօնեայք եւ արարողք կամաց նորա:

Օրհնեցէ՛ք զՏէր ամենայն գործք նորա, զի բնդ ամենայն տեղիս է տէրութիւն նորա, օրհնեա՛մ անձն իմ զՏէր:

Տէ՛ր լուր աղօթից իմոց, ունկնդիր խնդրուածաց իմոց ճշմարտութեամբ քով:

Լո՛ւր ինձ արդարութեամբ քով, եւ մի՛ մտա-
ներ ի դատաստան ընդ ծառայի քում, զի ոչ ար-
դարանայ առաջի քո ամենայն կենդանի:

Հալածեաց թշնամին զանձն իմ, խոնարհ ա-
րար յերկիր զկեանս իմ եւ նստոյց զիս ի խաւարի
որպէս մեռեալ յաւիտենից:

Ձանձրացաւ յիս հոգի իմ եւ սիրտ իմ խռովե-
ցաւ յիս:

Յիշեցի զաւուրսն զառաջինս, խորհեցայ յա-
մենայն գործս քո, յարարածս ձեռաց քոց խորհե-
ցայ եւ համբարձի առ քեզ զձեռս իմ:

Անձն իմ որպէս ծարաւի է առ քեզ, վաղվա-
ղակի լուր ինձ Տէր, զի նուաղեցաւ յինէն հոգի իմ:

Մի՛ դարձուցաներ զերեսս քո յինէն, նմանի-
ցիմ այնոցիկ ոյք իջանեն ի գուր:

Լսելի արա ինձ առաւօտու զողորմութիւնս
քո, զի ես ի քեզ Տէր յուսացայ:

Տոյց ինձ ճանապարհ՝ յոր եւ գնացից, զի առ
քեզ Տէր համբարձի զանձն իմ:

Փրկեա՛ զիս ի թշնամեաց իմոց Տէր, զի զքեզ
ապաւէն ինձ արարի:

Ուսո՛ ինձ առնել զկամս քո, զի դու ես Աստու-
ած իմ:

Հոգի քո բարի՝ առաջնորդեսցէ ինձ ի յեր-
կիր ուղիղ:

Վասն անուան քո Տէր, կեցուցես զիս, ար-
դարութեամբ քով հանցես ի նեղութենէ զանձն իմ:

Ողորմութեամբ քով սատակեա՛ զթշնամիս
իմ, եւ կորո՛ զամենայն նեղիչս անձին իմոյ, զի ես
ծառայ քո եմ:

Փառք Հօր, եւ լն.:

ԵՐԳ Ս. ՆԵՐՍԷՍԻ

Յիշեսցուք ի գիշերի զանուն քո, Տէր:

Բիշեսցեն սիրտք մեր զքան բարի, եւ լեզուք մեր պատմեսցեն զգործս երկնաւոր Թագաւորիդ:

Ի մէջ գիշերի յարուցեալ խոստովանեսցուք զքեզ, Տէր:

Ձաղօթս մեր տացուք քեզ, Տէր, ի գաւիթս քո, ի մէջ նոր Երուսաղէմի:

Ի գիշերի համբարձուք զձեռս մեր սրբութեամբ առ քեզ, Տէր:

Ի ձայն գոյութեան, ամենայն հոգիք, օրհնեցէք զՏէր:

Վ. Ձարթի՛ք, փառք իմ, զարթի՛ք, եւ ես զարթեայց առաւօտուց. ալէլուիա:

Ձարդի՛ք ընդ զուարթունս, մանկունք վերինն Սիօնի. ալէլուիա:

Ձարթի՛ք որդիք լուսոյ, ի յօրհնութիւն Հօրն լուսոյ. ալէլուիա:

Ձարթի՛ք փրկեալք արեամբ, եւ տուք զփառս փրկողին. ալէլուիա:

Ձարթի՛ք նոր ժողովուրդք, նոր երգս առեալ նորոգողին. ալէլուիա:

Ձարթի՛ք, հարսունք հոգւով, սպասեալք գալոյ սուրբ փեսային. ալէլուիա:

Ձարթի՛ք, վառեալք լուսով, ըստ իմաստուն սուրբ կուսանացն. ալէլուիա:

Ձարթի՛ք, պատրաստեցէք իւղ լապտերաց զջերմ արտասուս. ալէլուիա:

Ձարթի՛ք, եւ մի՛ ննջէք, նման յիմար կուսից նիրհէք. ալէլուիա:

Զարթի՛ք, երկիրպագցուք, եւ արտասուօք
զայս ասասցուք. ալէլուիա:

Վի. Զարթի՛ր, ընդէ՛ր ննջես, Տէր, մի՛ մեր-
ժեր զմեզ իսպառ:

Արի՛, Տէր, օգնեա՛ մեզ, տացուք անուանդ
քում զփառս:

Այժմ եւ յաւէտ Հօր եւ Որդւոյ եւ սուրբ Հոգ-
ւոյն. ամէն:

Վի. Զարթուցեալքս, ի զբաղմանէ գիշերային
հանգստենէ:

Շնորհեսցէ մեզ մարդասէր Տէր ի մխիթարու-
թիւն եւ ի սփոփանքս եկեղեցւոյ:

Ահիւ եւ դողութեամբ կացցուք ի յաղօթս:

Եկեալ խոստովանեսցուք զյանցանս:

Եւ գտցուք ի Քրիստոսէ զքաւութիւն եւ զմեծ
զոդորմութիւն: Ամէն:

Գկ. Կցորդ. Անբաժանելի եւ համադոյ Եր-
րորդութեանդ. համաձայնեալք ընդ զօրս երկնից.
փառս մատուցանեմք:

Փա՛ռք քեզ: Որ յանարուեստ յաթոռ բարձ-
րացեալ հանգչիս. Սո՛ւրբ Աստուած, հզօր եւ
սքանչելագործ:

Փա՛ռք քեզ: Որ յանէից դոյացուցեր զամե-
նայն արարածս. Սո՛ւրբ Աստուած, անճառ Հօր
անեղ Որդի:

Փա՛ռք քեզ: Որ տեսչութեամբ խնամես զա-
մենայն արարածս. Սո՛ւրբ Աստուած, Բիսուամն
անըսպառ աղբեր:

Տէ՛ր: Ժողովրդապետք եկեղեցւոյ՝ ՚ի քէն
հայցեն ասելով. Հովիւ բարի, ողորմեա՛ բանա-
ւոր հօտի:

Ամէն. Ալէլուիա. Ալէլուիա. Ալէլուիա:
Ամէն. Ալէլուիա. Ալէլուիա. Ալէլուիա:

ԵՐԳ Ս. ՆԵՐՍԷՍԻ

Առաւօտ լուսոյ, արեգակն արդար, առ իս
լոյս ծագեա: Բղխումն ի հօրէ, բղխեա ի հոգ-
ւոյս, բան քեզ ի հաճոյս:

Գանձդ ողորմութեան, գանձիդ ծածկելոյ,
գտող զիս արա: Դուռն ողորմութեան, դաւա-
նողիս բաց, դասեցո վերնոցն:

Երբեակ միութիւն, եղելոց խնամող, եւ ինձ
ողորմեա: Զարթիր Տէր յօգնել, զարթո զթմ-
բեալս, զուարթնոց նմանիլ:

էդ Հայր անսկիզբն, էակից Որդի, է միշտ
Սուրբ Հոգի: Ընկալ զիս գթած, ընկալ ողորմած,
ընկալ մարդասէր:

Թագաւոր փառաց, թողութեանց տուող,
թո՛ղ ինձ զյանցանս: Ժողովող բարեաց, ժողով-
եա եւ զիս, ժողովս անդրանկաց:

Ի քէն Տէր հայցեմ, ի մարդասիրէդ, ինձ բը-
ժըչկութիւն: Լեր կեանք մեռելոյս, լոյս խաւա-
րելոյս, լուծանող ցաւոյս:

Սորհրդոց գիտող, խաւարիս շնորհեա, խոր-
հուրդ լուսաւոր: Ծնունդ հօր ծոցոյ, ծածկելոյս
ստուերաւ, ծագեա լոյս փառաց:

Կենարար Փրկիչ, կեցո զմեռեալս, կանգնեա
զգլորեալս: Հաստեա հաւատով, հաստատեա
յուսով, հիմնեցո սիրով:

Զայնիւս աղաչեմ, ձեռքս պաղատիմ, ձիր

բարեաց շնորհեա: Ղամբարամբ լուսոյ, ղեկա-
վար ճարտար, զօղեալս ամրացո:

Ճառագայթ փառաց, ճանապարհ ինձ ցոյց,
ճեպել ի յերկինս: Միածինըդ հօր, մոյծ զիս յա-
ռագաստ, մաքուր հարսանեացդ:

Յորժամ գաս փառօք, յահագին յաւուրն,
յիշեա զիս Քրիստոս: Նորոգող հնութեանց, նո-
րոգեա եւ զիս, նորոգ զարդարեա:

Շնորհատու բարեաց, շնորհեա զքաւութիւն,
շնորհեա զթողութիւն: Ուրախացո Տէր, ոգւոյս
փրկութեամբ, ոյր վասն եմ ի սուգ:

Զարմշակողին, չար սերմանց նորին, չորացո
զպտուղն: Պարգեւիչ բարեաց, պարգեւեա իմոց,
պարտեացս թողութիւն:

Զուր շնորհեա աչացս, ջերմ հեղուլ զարտօսր,
ջնջել զյանցանս: Ռետինդ քաղցու, ռամ հոգւոյս
արբո, ռահ ցոյց ինձ լուսոյ:

Սէր անուն Յիսուս, սիրով քով ճմլեա, սիրտ
իմ քարեղէն: Վասն գթութեան, վասն ողորմու-
թեան, վերստին կեցո:

Տենջալոյդ տեսեամբ, տուր ինձ յագենալ,
Տէր Յիսուս Քրիստոս: Բարունդ երկնաւոր,
բոտեա զաշակերտս, բամից երկնայնոց:

Յօղ արեան քո Տէր, ցօղեա ի հոգիս, ցնծաս-
ցէ անձ իմ: Իւծեալքս մեղօք, իւծեալ աղաչեմ,
ւիւսել ինձ բարիս:

Փրկիչ բոլորից, փութա զիս փրկել, փորձու-
թեանց մեղաց: Քաւիչ յանցանաց, քաւեա զօրհ-
նաբանս, քեզ երգել զփառս:

Աստուածածնին բարեխօսութեամբ յիշեա,
Տէր եւ ողորմեա:

ԵՐԳ Ս. ՆԵՐՍԷՍԻ

Ի ՏՕՆԻ ՍՐԲՈՅ ԵՒ ՅԱՒՈՒՐՍ ՊԱՀՈՑ

Աշխարհ ամենայն, առ իս նայեցեալ, ախտա-
կից լերուք: Բանամ զչրթունս, բարբառիմ լեզ-
ւաւս, բողոքեմ զանձնէս, Տէր ողորմեա, Տէր ո-
ղորմեա, Տէր ողորմեա:

Գող եղէ մեղաց, գողող կորստեան, գուր ինձ
փորեցի: Դաւեցի զանձն իմ, դաւաճանեցի,
դարան գործեցի, Տէր ողորմեա, եւլն:

Երբեմն էի լոյս, եւ այժմ եմ խաւար, եւ ըս-
տուեր մահու: Զխարդ պատմեցից, զթիւ մեղաց
իմոց, զի բազում են յոյժ, Տէր ողորմեա, եւլն:

Էրկինք եւ երկիր, եկայք ողբացէք, եղկելի
զանձն իմ: Ընտրեցի զչարն, ընկալայ կամաւ,
ըզհոյս մեղաց, Տէր ողորմեա, եւլն:

Թաթաւիմ տղմով, թաւալիմ ի մեղս, թօթա-
փիլ չկարեմ: Ժանտախտիւ լցեալ, ժահահոտ
եղէ, ժամանակս բազումս, Տէր ողորմեա, եւլն.:

Ի բաց մեկնեցայ, ի սուրբ խորհրդոց, ի բար-
եաց գործոց: Լաւ վարկաւ անձն իմ, լուսոյն չե-
ռանալ, լինել ընդ խաւար, Տէր ողորմեա, եւլն.:

Խորհուրդք չարին, խաբեն զհոգիս, խորա-
սոյզ առնեն: Ծածկեն անդնդօք, ծիծաղին գլոր-
մամբ, ծանակ զիս առնեն, Տէր ողորմեա, եւլն.:

Կամաւ կորացայ, կարկամեալս անձամբս,
կանգնիլ ո՛չ կարեմ: Հուր մեղաց կիզող, հրդեհ-
եաց որ յիս, հոգեւոր բարիս, Տէր ողորմեա,
եւլն.:

Չաղկեցայ մեղօք, ձաղկեցին տեսողք, ձանձ-
րացաւ հոգիս: Ղեղի դառնութեան, ղօղեալ ի

սիրտ իմ, դամբար իմ չիջաւ, Տէր ողորմեա, եւլին:

Ճաշակմամբ մեղաց, ճաշեցի զմահ, ճոխս աղքատացայ: Մեռեալ եմ հոգւովս, մոլորեալ մըտօքս, միայն կամ մարմնովս, Տէր ողորմեա, եւլին:

Յորոգայթ մահու, յորսողին անկայ, յաղթեցայ յախտից: Նետից թշնամւոյն, նշաւակ եղէ, նոր միշտ խոցոտիմ, Տէր ողորմեա, եւլին:

Շուրջ պատեալ զինեւ, չունք բազումք եղեն, չաղախին արեամբս: Որս եղէ չարին, ուռկանաւ մեղաց, որսացաւ զանձն իմ, Տէր ողորմեա, եւլին:

Չարաչար վշտօք, չարչարի անձն իմ, չունիմ դադարումն: Պարտասպան գտայ, պարտուց յանցանաց, պարտեալս ի մեղաց, Տէր ողորմեա, եւլին:

Ջանամ զղջանայ, ջեռանիմ դարձեալ, ջեռնում հրով մեղաց: Ռաբբի կոչեցայ, ուսկայ անուանիմ, ուսկական վարուքս, Տէր ողորմեա, եւլին:

Սիրով ցանկութեան, սաստիկ բարկութեան, սիրտ իմ խոցեալ է: Վիրօք յանցանաց, վշտանայ հոգիս, վարանեալ շրջիմ, Տէր ողորմեա, եւլին:

Տիրեցին ինձ չարք, տարազիր հանին, տիրական գրկացն: Բարուհւոյն բարւոյ, բախճական ձայնին, բոտինս ո՛չ լուայ, Տէր ողորմեա, եւլին:

Յանկութիւն չարեաց, ցանկալի դիմօք, ցաւեցոյց զաչս իմ: Իիւրաքանչիւրոց, լիւսմամբ խուռն ախտից, լիւծեալ է հոգիս, Տէր ողորմեա, եւլին:

Փութացիր անձն իմ, փախչիլ ի չարեաց,

փափաքիլ բարեաց: Քեզ միշտ մերձ ծանիր, քուն
մահու եկեալ, քննող դատաւոր, Տէր ողորմեա,
եւլն:

Աստուածածնին բարեխօսութեամբ, յիշեա
Տէր եւ ողորմեա:

Քհնյ. Զքէն գոհանամք, եւլն.:

— . —

Կանոնագրուիմ կարգաւ ըստ Ութ ձայնիցն

Աձ. Դատեա՛ Տէր զայնոսիկ, ոյք դատեն զիս,
ալէլուիա: Մարտիր ընդ այնոսիկ, որք մար-
տընջին ընդ իս, ալէլուիա:

Առ զքէն եւ զասպար քո եւ արի՛ օգնել ինձ,
հա՛ն զսուր քո ընդդէմ հալածչաց իմոց, արգել
զնոսա, եւ ասա դու զանձն իմ թէ փրկութիւն քո
ես եմ, ալէլուիա:

Ամաչեսցեն եւ յամօթ լիցին՝ ոյք խնդրէին
զանձն իմ, դարձցին յետս եւ ամաչեսցին ոյք
խորհէին ինձ չար:

Եղեցին նոքա որպէս փոշի առաջի հողմոյ, եւ
հրեշտակ Տեառն նեղեսցէ զնոսա:

Եղիցին ճանապարհք նոցա ի խաւար եւ ի
գայթակղութիւն եւ հրեշտակ Աստուծոյ հալա-
ծեսցէ զնոսա:

Ի նանիր թագուցին ինձ որոգայթ ապակա-
նութեան իւրեանց, եւ ի նանիր նախատեցին
զանձն իմ:

Վ. Տէր՝ յերկինս է ողորմութիւն քո- ճշմար-
տութիւն քո մինչեւ յամպս, ալէ. ալէ.:

Արդարութիւն քո որպէս յերինք Աստուած,

իրաւունք քո որպէս խորք բազումք, զմարդիկ եւ զանասունք կեցուցանես զու Տէր, ալէ. :

Որպէս զի բազում արարեր զողորմութիւն քո Աստուած, այլ որդիք մարդկան ի հովանի թեւոց քոց յուսասցին :

Արբեսցին նոքա ի պարարտութենէ տան քո, եւ զուղիս փափկութեան քո տացես ըմպել նոցա :

Ի քէն է Տէր աղբիւր կենաց, եւ լուսով երեսաց քոց տեսանեմք զլոյս :

Ծագեա՛ զողորմութիւնս քո՝ որք ճանաչեն, զքեզ, զարդարութիւնս քո ոյք ուղիղ են սրտիւք :

Մի՛ եկեսցեն ի վերայ մեր ոտք ամբարտաւանից, եւ ձեռք մեղաւորաց մի՛ դողացուցեն զմեզ :

Անդ անկցին ամենեքեան՝ ոյք գործեն զանօրէնութիւն, մերժեսցեն եւ այլ մի՛ կարասցեն հաստատել :

Փառք Հօր. Այժմ եւ միշտ. Ալէ. ալէ. :

— . —

Ակ. Ասաց անդգամն ի սրտի իւրում թէ ո՛չ գոյ Աստուած, ալէլուիա : Ապականեցան եւ պըղծեցան յանօրէնութեանց իւրեանց, եւ ո՛չ ոք է որ առնէ զքաղցրութիւն, ալէլուիա :

Աստուած յերկնից նայեցաւ յամենայն որդիս մարդկան, տեսանել թէ իցէ՞ ոք իմաստուն որ խնդրիցէ զԱստուած, ալէ. :

Ամենեքեան խոտորեցան ի միասին եւ անպիտանացան :

Ո՛չ ոք է որ առնէ զբարի, եւ չէ ոք մինչեւ ի մի :

Որպէս ո՛չ ծանիցեն ամենեքեան ոյք գործեն զանօրէնութիւն :

Ոյք ուտէին զժողովուրդ իմ որպէս կերակուր
Հացի, եւ առ Աստուած ո՛չ կարդացին:

Ի. Ձի ոչ գոյր նոցա փոխանակ, եւ ո՛չ երկ-
եան յԱստուծոյ, ալէ. ալէ.:

Ձգեաց զձեռն իւր ի հատուցանել նոցա, եւ նո-
քա պղծեցին զօրէնս նորա:

Բաժանեցան ի սրտմտութենէ երեսաց նորա,
եւ եհաս ի սիրտս նոցա:

Կակուղ էին բանք նոցա քան զձէթ, եւ ինք-
եան որպէս սլաք:

Ընկեա՛ ի տէր զհոգս քո եւ նա կերակրէ զքեզ,
եւ ո՛չ տայ յաւիտեան սասանութիւն արդարոյ:

Դու Աստուած իջուցես զնոսա ի գուր ասպա-
կանութեան, արք արիւնահեղք եւ նենգաւորք մի՛
հասարակեսցեն զաւուրս իւրեանց, այլ ես ի քեզ
Տէր յուսացայ:

Փառք Հօր. Այժմ եւ միշտ. Ալէ. ալէ.:

— . —

Բձ. Ի քեզ Տէր յուսացայ մի՛ ամաչեցից յա-
ւիտեան, ալէլուիա: Յարդարութեան քում փըր-
կեա եւ ապրեցո զիս, ալէլուիա:

Խոնարհեցո՛ առ իս զունկն քո, եւ կեցո՛ զիս:

Լեր իմ Աստուած ապաւէն, եւ տեղի ամուր
կեցուցանել զիս, զի հաստատութիւն իմ եւ ասպա-
ւէն իմ դու ես:

Աստուած իմ, փրկեա՛ զիս ի ձեռաց մեղաւո-
րի, ի ձեռաց անօրինի եւ անիրաւի:

Դու ես համբերութիւն իմ Տէր, Տէր յոյս իմ
ի մանկութենէ իմմէ:

Ի քեզ հաստատեցայ ես յարգանդէ յորովայ-

նէ մօր իմոյ դու ես ապաւէն իմ, եւ առ ի քէն է օգնութիւն իմ յամենայն ժամ:

Փ. Երկիրպագցեն նմա ամենայն թագաւորք երկրի, եւ ամենայն ազգք ծառայեսցեն նմա, ալէ. ալէ.:

Զի փրկեաց զաղքատն ի ձեռաց հզօրի, զաղքատն եւ զտնանկն, որոյ ոչ է իւր օգնական:

Սնայեսցէ նա յաղքատն եւ ի տնանկն, եւ զանձինս տնանկաց կեցուցէ ի վաշխից չարաց փրկեսցէ զանձինս նոցա:

Պատուական է անուն նորա առաջի նոցա, կեցցէ եւ տացի նմա յոսկւոյն արարացւոց:

Յաղօթս կացցեն առ նա յամենայն ժամ, եւ զօրհնապազ օրհնեսցեն զնա:

Եղիցի հաստատութիւն ընդ ամենայն երկիր, եւ ի վերայ գլխոց լերանց:

Բարձրացի քան զլիրանան պտուղ նորա, եւ ծաղկեսցի ի քաղաքի Տեառն որպէս խոտ երկրի:

Եղիցի անուն Տեառն օրհնեալ յաւիտեան, զի յառաջ քան զարեւ է անուն նորա:

Ի նա օրհնեսցին ամենայն ազգք երկրի, եւ ամենայն ազինք երանիցեն նմա:

Օրհնեալ Տէր Աստուած Իսրայելի որ առնէ սքանչելիս միայն, եւ օրհնեալ է անուն սուրբ փառաց նորա յաւիտեան, լցցի փառօք նորա ամենայն երկիր եղիցի եղիցի:

Փառք Հօր. Այժմ եւ միշտ. Ալէ. ալէ.:

— . —

Բկ. Զողորմութիւնս քո Տէր յաւիտեան օրհնեսցից ալէլուիա: Ազգէ յազգ պատմեցից զճըշ-

մարտութիւնս քո բերանով իմով, արէլուիա:

Ասացեր թէ աշխարհս ողորմութեամբ շինեսցի, յերկինս պատրաստ եղիցի ճշմարտութիւն քո:

Եդի ուխտ ընտրելոց իմոց, երդուայ Դաւթի ծառայի իմոյ:

Յաւիտեան հաստատեցից զգաւակ քո եւ շինեցից յազգէ յազգ զաթոռ քո:

Սոստովան եղիցին երկինք սքանչելեաց քոց Տէր եւ ճշմարտութիւն քո յեկեղեցիս սրբոց:

Ո՞վ է յամպս որ հաւասարի քեզ, կամ ո՞վ նրմանիցի Տեառն յորդիս Աստուծոյ:

Վ. Դարձուցեր զօգնութիւն ի սիրոյ նորա, եւ ոչ ընկալար զնա ի պատերազմի, արէ. արէ.:

Անարգեցեր զսրբութիւն նոր, եւ զաթոռ նորա յերկիր կործանեցեր:

Նուազ արարեր զաւուրս ժամանակաց նորա, եւ հեղեր զնովաւ զամօթ:

Մինչեւ յե՞րբ դարձուցանես զերեսս քո իսպառ, բորբոքեսցի որպէս հուր բարկութիւն քո:

Իսկ արդ յիշեա՛ եւ տե՛ս թէ ո՞վ է իմ հանգիստ, միթէ ի զո՞ւր ինչ ստեղծեր զամենայն որդիս մարդկան:

Ո՞վ է մարդ որ կեցցէ եւ ո՛չ տեսցէ զմահ, կամ փրկեսցէ զանձն իւր ի ձեռաց դժոխոց:

Ո՞ւր են ողորմութիւնք քո Տէր առաջինք, զոր երդուար Դաւթի ճշմարտութեամբ քով:

Յիշեա զնախատինս ծառայի քո, զոր ընկալայ ի ծոց իմ յազգաց բազմաց:

Զոր նախատեցին թշնամիք քո Տէր, նախատեցին փոխանակ օծելոյ քո:

Օրհնեալ Տէր Աստուած յաւիտեանս յաւիտեանից, եղիցի եղիցի:

Փառք Հօր. Այժմ եւ միշտ. Ալէ. ալէ.:

— . —

Գձ. Խոստովան եղերուք Տեառն զի քաղցր է, ալէլուիա: Զի յաւիտեան է ողորմութիւն նորա, ալէ.:

Ո՛ր խօսեսցի զզօրութիւնս Տեառն, լսելի արասցէ զամենայն օրհնութիւնս նորա:

Երանի ոյք պահեն զիրաւունս, եւ առնեն զարդարութիւն յամենայն ժամ:

Յիշեա զմեզ Տէր ընդ հաճոյս ժողովրդեանքո եւ այց արա մեզ ի փրկութեան քում:

Տեսցո՛ւք մեք զքաղցրութիւն ընտրելոց քոց, ուրախ եղիցուք մեք յուրախութիւն ազգի քո, եւ գովիցուք մեք ի ժառանգութեան քում:

Մեղաք մեք ընդ հարսն մեր, անօրինեցաք եւ յանցեաք:

Վ. Մատնեաց զնոսա ի ձեռս հեթանոսաց, տիրեցին նոցա ատելիք իւրեանց, եւ թշնամիք իւրեանց նեղեցին զնոսա, եւ խոնարհ եղեն ի ներքոյ ձեռաց նոցա, ալէ. ալէ.:

Բազում անգամ փրկեաց զնոսա, եւ նոքա դառնացուցին զնա ի խորհուրդս իւրեանց, եւ կորացան յանօրէնութեան իւրեանց:

Հայեցաւ Տէր ի նեղութիւնս նոցա, ի լսել ձայնի աղօթից նոցա:

Յիշեաց զուխտ իւր, եւ զղջացաւ ըստ բազում ողորմութեան իւրում, եւ ետ զնոսա ի գթութիւնս առաջի ամենայն գերչաց նոցա:

Փրկեա՛ զմեզ Տէր Աստուած մեր, եւ թողով-
եա զմեզ հեթանոսաց:

Սոստովան եղիցուք անուան քում սրբոյ, եւ
պարծեսցուք յօրհնութիւնս քո:

Օրհնեալ Տէր Աստուած Իսրայելի, յաւիտ-
եանս յաւիտենից:

Եւ ասացէ՛ ամենայն թողովուրդն, եղիցի ե-
ղիցի:

Փառք Հօր. Այժմ եւ միշտ. Ալէ. ալէ.:

— . —

Գկ. Արարի իրաւունս եւ արդարութիւն, ա-
լէլուիա: Մի՛ մատնե՛ր զիս ի ձեռս նեղչաց իմոց,
ալէլուիա:

Ընկեալ զծառայս քո ի բարի, զի մի՛ ամբար-
տաւանք զզուեսցեն զիս:

Սպասեցին աչք իմ փրկութեան քում Տէր, եւ
բանից արդարութեան քում:

Արա՛ ընդ ծառայի քում Տէր ըստ ողորմու-
թեան քում զարդարութիւնս քո ուսո՛ ինձ:

Ծառայ քո եմ ես, իմաստուն արա զիս, եւ
ծանեայց զվկայութիւնս քո:

Ժամ է պաշտել զՏէր, խափանեցին զօրէնս
քո:

Կի. Մերձեսցին խնդրուածք իմ առաջի քո Տէր
ըստ բանի քում իմաստուն արա զիս, ալէ. ալէ.:

Մտցեն աղօթք իմ առաջի քո Տէր եւ բանիւ քո
փրկեա զիս:

Բղխեսցեն շրթունք իմ զօրհնութիւնս քո,
յորժամ ուսուսցես ինձ զարդարութիւնս քո:

Սօսեսցի լեզու իմ զբանս քո, զի ամենայն
պատուիրանք քո արդարութեամբ են:

Եղիցի ձեռն քո ի կեցուցանել զիս, զի զպատ-
ւիրանս քո ընտրեցի:

Ցանկացայ փրկութեան քում Տէր, եւ օրէնք
քո խօսք իմ էին:

Կեցցէ անձն իմ օրհնեսցէ զքեզ, եւ իրաւունք
քո օգնեսցեն ինձ:

Մոլորեցայ ես որպէս զոչխար կորուսեալ,
խնդրեա՛ զծառայս քո, զի զպատուիրանս քո ես
ո՛չ մոռացայ:

Փառք Հօր. Այժմ եւ միշտ. ալէ. ալէ.:

— . —

Դձ. Օրհնեա անձն իմ զՏէր օրհնեցից զՏէր ի
կեանս իմ, ալէ. : Սաղմոս ասացից Աստուծոյ ի-
մոյ մինչեւ եմ ես, ալէ. :

Մի՛ յուսայք յիշխանս յորդիս մարդկան, զի
ո՛չ գոյ փրկութիւն ի նոսա:

Ելցէ հոգի ի նոցանէ եւ դարձցին անդրէն ի
հոգ, եւ յայնմ աւուր կորիցեն ամենայն խոր-
հուրդք նոցա:

Երանի՛ ազգի որոյ Տէր Աստուած Յակոբայ
օգնական է նմա, եւ յոյս նորա ի Տէր Աստուած է:

Ո՛ր արար զերկիւնս եւ զերկիր, զծով եւ զամե-
նայն որ ի նոսա:

Ո՛ր պահէ զճշմարտութիւն յաւիտեան, եւ առ-
նէ իրաւունս զրկելոց:

Ք. Գովեա Երուսաղէմ զՏէր, ալէ. :

Եւ օրհնեա զԱստուած քո Սիօն:

Զի զօրացոյց զնիզս դրանց քոց եւ օրհնեաց
զորդիս քո ի քեզ:

Ո՛ր եդ զսահմանս քո ի խաղաղութիւն, պա-
րարտութեամբ ցորենոյ լցոյց զքեզ:

Առաքէ զբան իւր յերկիր, վաղվաղ ընթանան
պատգամք նորա:

Դնէ զձիւն որպէս զասր եւ զմէզ որպէս փռչի
ցանեաց:

Արկանէ զսառն որպէս պատառս, առաջի ցըր-
տոյ նորա ո՞ կարէ կեալ:

Առաքէ զբան իւր եւ հալէ զնոսա, շնչեացեն
հողմք եւ գնացեն ջուրք:

Պատմէ զբան իւր Յակորայ, զարդարութիւն
եւ զիրաւունս Խորայելի:

Ո՛հ այսպէս արար ամենայն ազգաց Տէր, եւ
զդատաստանս իւր ո՛հ յայտնեաց նոցա:

Փառք Հօր. Այժմ եւ միշտ. Ալէ. ալէ.:

— . —

Դկ. Սիրեցից զքեզ Տէր զօրութիւն իմ, ալէ. :
Տէր հաստատիչ իմ, ապաւէն իմ եւ փրկիչ իմ,
ալէ. :

Աստուած օգնական իմ, եւ ես յուսամ ի նա,
ապաւէն իմ եղջիւր փրկութեան իմոյ՝ ընդունելի
իմ է:

Օրհնելով կարդացից առ Տէր, եւ ի թշնամեաց
իմոց ապրեցայց:

Շուրջ եղեն զինեւ երկունք մահու, եւ ուղիւք
անօրէնութեան խռովեցուցին զիս:

Վիշտք դժոխոց պաշարեցին զիս, եւ ժամա-
նեցին ինձ որողայթք մահու:

Ի նեղութեան իմում ես առ Տէր կարդացի, եւ
առ Աստուած իմ աղաղակեցի:

Ֆ. Զգեցուցիր ինձ զօրութիւն ի պատերազ-
մի, եւ զյարուցեալսն ի վերայ իմ ներքոյ իմ ա-
րարեր, ալէ. ալէ.:

ԶԹՀնամիս իմ հալածական արարեր եւ դատելիս իմ սատակեցեր:

Աղաղակեցին եւ ո՛չ ոք էր որ փրկէր զնոսա,
կարդացին առ Տէր եւ ո՛չ լուաւ նոցա:

Մանրեցից զնոսա որպէս փոշի առաջի հողմոյ, եւ որպէս կաւ գոեհաց կոխեցից զնոսա:

Փրկեսցէ զիս Տէր ի հակառակութենէ ժողովրդոց, եւ կացուցէ զիս գլուխ հեթանոսաց:

Ժողովուրդ՝ զոր ո՛չ գիտէի, ծառայեաց ինձ,
եւ ի լուր ականջաց լուաւ ինձ:

Որդիք օտարաց ստեղծին ինձ, որդիք օտարաց
մաշեցին եւ կաղացան ի շաւղաց իւրեանց:

Կենդանի է Տէր եւ օրհնեալ է Աստուած, եւ
բարձր եղիցի Աստուած փրկութեան իմոյ:

Աստուած է որ խնդրէ զվրէժ իմ, եւ հնազանդ
առնէ զթողութիւնդս ընդ ինեւ:

Փրկիչ իմ ի Թշնամեաց իմոց բարկացողաց,
յայնցանէ որք յարուցեալ են ի վերայ իմ՝ բարձր
արարեր զիս, եւ յառնէ յանիրաւէ փրկեցեր զիս:

Վասն այսորիկ՝ խոստովան եղէց քեզ ի հե-
թանոսս, եւ անուան քում սաղմոս ասացից:

Մեծ արարեր զիրկութիւն թագաւորի նորա,
առնել ողորմութիւն ընդ օծելոյ նորա Դաւթի եւ
ընդ զաւակի նորա յազգէ մինչեւ յազգ:

Փառք Հօր. Այժմ եւ միշտ. Ալէ. ալէ.:

[illegible]

ՀԱՆԳՍՏԵԱՆ ՇԱՐԱԿԱՆ ՍԱՂՄՈՍՔ ԸՆԴ ՈՒԹ ՉԱՅՆԻՑ

Ի տերունի առուրս եթէ ձայնն աճ է, ասա զայս
Տէ՛ր, ո՞վ կացցէ ի խորանի քում, կամ ո՞վ
բնակեսցէ ի լեառն սուրբ քո:

Որ գնայ անբիծ գործէ զարդարութիւն, խո-
սի զճշմարտութիւն ի սրտի իւրում:

Որ ոչ նենգաւորեաց լեզուաւ իւրով, եւ չար
ընկերի իւրում ո՛չ արար:

Նախատինս ի մերձաւորաց նա ո՛չ առնու,
արհամարհեալ է առաջի նորա չարագործն:

Զերկիւղածս Տեառն փառաւոր առնէ, որ
երդնու ընդ ընկերի իւրում եւ ոչ ստէ:

Զարծաթ իւր ի վարձու ո՛չ տայ, եւ կաշառս
ի վերայ իրաւանց ո՛չ առնու, որ զայս արասցէ
նա մի՛ սասանեսցի յաւիտեան:

— . —

Սաղմոս աճ. Տէ՛ր, մի՛ սրտմտութեամբ քով
յանդիմաներ զիս եւ մի՛ բարկութեամբ քով խրա-
տեր զիս:

Ողորմեա՛ ինձ Տէր, զի հիւանդ եմ ես, բժըշ-
կեա զանձն իմ զի խռովեցան ոսկերք իմ:

Անձն իմ յոյժ խռովեցաւ եւ դու Տէր մի՛նչեւ
յե՞րբ:

Դա՛րձ Տէր, եւ փրկեա՛ զանձն իմ, կեցո՛ զիս
Տէր ըստ ողորմութեան քում:

Զի ո՛չ ոք է որ ի մահու յիշէ զքեզ, կամ ի
զժոխս խոստովան առնիցի առ քեզ:

Վաստակեցայ ես ի հեծութեան իմում, լուա-

ցի դամենայն գիշեր զմահիճս իմ, եւ արտասուօք իմովք զանկողինս իմ թացի:

Խռովեցաւ ի սրտմտութենէ ակն իմ, մաշեցայ ես ի վերայ ամենայն թշնամեաց իմոց:

Ի բաց կացէք յինէն ամենեքեան, ոյք գործէք զանօրէնութիւն:

Լուաւ Տէր ձայնի լալոյ իմոյ, լուաւ Տէր աղօթից իմոց եւ Տէր զխնդրուածս իմ ընկալաւ:

Ամաչեսցեն եւ խռովեսցեն յոյժ ամենայն թշնամիք իմ, դարձցին յետս եւ ամաչեսցեն յոյժ վաղվադակի եւ խռովեսցին:

— . —

Սաղմոս ակ. Բարձր առնեմ զքեզ Տէր զի ընկալար զիս եւ ո՛չ ուրախ արարեր զթշնամին իմ յիս:

Տէր Աստուած իմ, կարդացի առ քեզ եւ բժըշկեցեր զիս, Տէր հաներ ի դժոխոց զանձն իմ եւ փրկեցեր զիս յայնցանէ, որք իջանեն ի գուր:

Սաղմոս ասացէք Տեառն սուրբք նորա, եւ խոստովան եղերուք յիշատակի սրբութեան նորա:

Սրտմտութիւն է ի բարկութեան նորա, եւ կեանք են ի կամաց նորա:

Ընդ երեկոյս հանգիցեն լալիք, առաւօտու եղիցի ուրախութիւն:

Ես ասացի ի բարեկանդանութեան իմում, թէ ո՛չ սասանեցայց յաւիտեան:

Տէր ի կամս քո ետուր գեղոյ իմոյ զօրութիւն, դարձուցեր զերեսս քո յինէն եւ ես եղէ խռովեալ:

Առ քեզ Տէր կարդացի եւ առ Աստուած իմ աղաղակեցի, զի՞նչ օգուտ է քեզ յարենէ իմմէ թէ իջանեմ ես յապականութիւն:

Միթէ հող խոստովա՞ն առնիցէ առ քեզ, կամ
սլատմեսցէ՞ զճշմարտութիւնս քո:

Լուաւ ինձ Տէր եւ ողորմեցաւ, եւ Տէր եղեւ
ինձ օգնական:

Դարձոյց զսուգ իմ յուրախութիւն, եղերծ
յինէն զքուրձ եւ ինձ զգեցոյց զուրախութիւն:

Որպէս սաղմոս ասացեն քեզ փառք իմ, եւ
այլ մի՛ եւս զղջացոյց, Տէր Աստուած իմ յաւիտ-
եան խոստովան եղէց քեզ:

— . —

Սաղմոս քձ. Աստուած յանուան քում կեցո
ղիս, եւ ի զօրութեան քում իրաւ արա ինձ:

Աստուա՛ծ, լուր աղօթից իմոց, ունկնդի՛ր
բանից բերանոյ իմոյ:

Օտարք յարեան ի վերայ իմ, եւ հզօրք խընդ-
րեցին զանձն իմ, եւ ո՛չ համարեցան զքեզ Աս-
տուած առաջի իւրեանց:

Ահա Աստուած օգնական իմ, եւ տէր ընդու-
նող հոգւոյ իմոյ:

Ի դարձուցանել զչարն ի թշնամիսն իմ, ճըշ-
մարտութեամբ քով մատակեա զնոսա:

Ես կամօք իմովք սլատարազս մատուցից
քեզ, եւ խոստովան եղէց անուան քում Տէր զի
բարի է:

Յամենայն նեղութենէ իմմէ վերկեցեր զիս, եւ
ի թշնամիս իմ ետես ակն իմ:

— . —

Սաղմոս քկ. Աստուած ողորմեա՛ մեզ եւ օրհ-
նեա զմեզ, երեւեցո՛ղ երեսս քո ի մեզ եւ ողորմեա
մեզ:

Ճանաչել յերկրի զճանապարհս քո, յազիւս
ամենայն զիրկութիւնս քո:

Խոստովան եղիցին առ քեզ ժողովուրդք Աստուած, խոստովան եղիցին առ քեզ ժողովուրդք ամենայն:

Երկիր ետ զպտուղ իւր, եւ օրհնեաց զմեզ, Աստուած Աստուած մեր:

Աստուած մեր օրհնեացէ զմեզ, ի նմանէ երկիցեն ամենայն ծագք երկրի:

— . —

Սաղմոս գծ. Հաճեցար Տէր ընդ երկիր քո, եւ
դարձուցեր զգերութիւն Յակոբայ:

Թողեր զանիրաւութիւն ժողովրդեան քո, եւ
ծածկեցեր զամենայն մեղս նոցա:

Լեցուցեր զամենայն սրտամտութիւնս քո, եւ
դարձար ի բարկութենէ սրտամտութեան քո:

Դա՛րձ առ մեզ Աստուած փրկիչ մեր, եւ դարձո՛ւ
զսրտամտութիւնս քո ի մէնջ:

Մի՛ յաւիտեան բարկանար մեզ Տէր, եւ մի
ձգեր զբարկութիւն քո յազգէ մինչեւ յազգ:

Աստուած՝ դու դարձեալ կեցուցես զմեզ, եւ
ժողովուրդք քո ուրախ եղիցին ի քեզ:

Յոյց մեզ Տէր զողորմութիւնս քո եւ զփրկու-
թիւնս քո տո՛ւր մեզ:

Լուաք զի՞նչ խօսի Տէր Աստուած մեր, խօսեացի
զխաղաղութիւն ժողովրդեան իւրոյ առ սուրբս իւր եւ առ այնոսիկ ոյք դարձեալ են առ
նա սրտիւք:

Սակայն մերձ է առ երկիւղածս իւր փրկու-
թիւն նորա, բնակիլ փառաց նորա յերկրի մերում:

Ողորմութիւն եւ ճշմարտութիւն պատահեցին արդարութիւն եւ խաղաղութիւն համբուրեցին:

Ճշմարտութիւն յերկրէ բուսաւ, արդարութիւն յերկնից երեւեցաւ:

Տէր տացէ զքաղցրութիւն եւ երկիր մեր տացէ զպտուղ իւր, արդարութիւն առաջի նորա գլնասցէ, դիցէ ի ճանապարհի զգնացս իւր:

— . —

Սաղմոս գկ. Տէր՝ լուր աղօթից իմոց՝ աղաղակ իմ առ քեզ եկեսցէ, եւ մի՛ դարձուցաներ զերեսս քո յինէն:

Յաւուր նեղութեան իմոյ խոնարհեցո՛ւ առ իսրունկն քո, յորում աւուր կարդամ առ քեզ՝ վաղվաղակի լո՛ւր ինձ:

Սպառեցան որպէս ծուխ աւուրք իմ, եւ ոսկերք իմ որպէս խռիւ չորացան:

Հարայ ես, որպէս խոտ եւ ցամաքեցաւ սիրտ իմ, մոռացայ ուտել զհաց իմ՝ ի ձայնէ հեծութեան իմոյ:

Կցեցաւ ոսկր իմ ի մարմին իմ, նմանեցայ ես հաւալասան անապատի:

Եղէ ես որպէս բու աւերակի, տքնեցայ եւ եղէ ես որպէս ճնճղուկ միայն ի տանիս:

Նախատեցին զիս թշնամիք իմ զօրհանապազ, եւ գովիչք իմ ինեւ երդնուին:

Զմոխիր որպէս զհաց կերի, եւ զլմպելին իմ արտասուօք խառնեցի:

Յերեսաց բարկութեան սրտմտութեան քո, զի դու բարձրացուցեր եւ խոնարհեցուցեր զիս:

Աւուրք իմ որպէս հովանի անցին, եւ ես որպէս խոտ ցամաքեցայ:

Դու Տէր յաւիտեան կաս, եւ յիշատակ քո յազգէ մինչեւ յազգ:

Դու յարուցեալ գթասցիս՝ ի վերայ սիօնի ժամանակ գթալոյ նորա հասեալ է ժամ:

— . —

Սաղմոս դձ. Մերձեսցին խնդրուածք իմ առաջի քո Տէր, ըստ բանի քում իմաստուն արա զիս:

Մտցեն աղօթք իմ առաջի քո Տէր եւ բանիւ քո փրկեա՛ զիս:

Բիխեսցեն շրթունք իմ զօրհնութիւնս քո, յորժամ ուսուցես ինձ զարդարութիւնս քո:

Սօսեսցի լեզու իմ զբանս քո, զի ամենայն պատուիրանք քո արդարութեամբ են:

Եղիցի ձեռն քո ի կեցուցանել զիս, զի զպատուիրանս քո ընտրեցի:

Յանկացայ փրկութեան քում Տէր, եւ օրէնք քո խօսք իմ էին:

Կեցցէ անձն իմ օրհնեսցէ զքեզ, եւ իրաւունք քո օգնեսցեն ինձ:

Մոլորեցայ ես որպէս զոչխար կորուսեալ, խնդրեա զծառայս քո զի զպատուիրանս քո ես ո՛չ մոռացայ:

— . —

Ի տերունի աւուրս եթէ ձայնն դի. Ե, ասա զայս Դկ. Ի խորոց կարգացի առ քեզ, Տէր, Տէր լուր ձայնի իմում:

Եղեցին ահանջք քո ի լսել զձայն աղօթից իմոց:

Թէ զանօրէնութիւնս իմ քննես Տէր, Տէր իսկ ո՛ր կարէ կալ առաջի քո զի ի քէն է քաւութիւն:

Վասն անուան քո համբերի Տէր, համբեր անձըն իմ բանի քում, յուսացաւ անձն իմ ի Տէր:

Ի պահէ առաւօտու մինչեւ երեկոյ, ի պահէ յառաւօտու յուսացաւ իսրայել ի Տէր:

Ի Տեառն է ողորմութիւն բազում, ի նմանէ է փրկութիւն, եւ նա փրկեաց զիսրայել յամենայն նեղութեանց նոցա:

— . —

Սաղմոս րկ. Տէ՛ր լուր աղօթից իմոց, ունկընդիր խնդրուածոց իմոց ճշմարտութեամբ քով:

Լուր ինձ արդարութեամբ քով, եւ մի՛ մտաներ ի դատաստան ընդ ծառայի քում, զի ո՛չ արդարանայ առաջի քո ամենայն կենդանի:

Հալածեաց թշնամին զանձն իմ, խոնարհ արար յերկիր զկեանս իմ, եւ նստոյց զիս ի խաւարի որպէս մեռեալ յաւիտենից:

Ձանձրացաւ յիս հոգի իմ, եւ սիրտ իմ խռովեցաւ յիս:

Յիշեսցի զաւուրսն զառաջինս, խորհեցայ յամենայն դործս քո, յարարածս ձեռաց քոց խորհեցայ եւ համբարձի առ քեզ զձեռս իմ:

Անձն իմ որպէս երկիր ծարաւի է առ քեզ, վաղվաղակի լուր ինձ Տէր, զի նուաղեցաւ յինէն հոգի իմ:

Մի՛ դարձուցաներ զերեսս քո յինէն, նմանիցիմ այնոցիկ, ոյք իջանեն ի գուր:

Լսելի արա ինձ առաւօտու զողորմութիւնս քո, զի ես ի քեզ Տէր յուսացայ:

Յոյց ինձ ճանապարհ, յոր եւ դնացից, զի առ
քեզ Տէր համբարձի զանձն իմ :

Փրկեա զիս ի թշնամեաց իմոց Տէր, զի զքեզ
ապաւէն ինձ արարի :

Ուսո՛ր ինձ առնել զկամս քո զի դու ես Աս-
տուած իմ :

Հոգի քո բարի առաջնորդեսցէ ինձ ի յերկիր
ուղիղ :

Վասն անուան քո Տէր կեցուցես զիս, արդա-
րութեամբ քով հանցես ի նեղութենէ զանձն իմ :

Ողորմութեամբ քով սատակեաց զթշնամիս
իմ, եւ կորո՛ր զամենայն նեղիչս անձին իմոյ, զի
ես ծառայ քո եմ :

— . —

Զկնի սաղմոսին աւետարան եւ ապա երգ ըստ
ձայնի

— . —

ԵՐԳ ՏԵԱՌՆ ՆԵՐՍԷՍԻ ԱՍԱՅԵԱԼ ՎԱՍՆ ՆՆՋԵՑԵԼՈՅ

Ակ. գկ. Ճանապարհ մոլորելոց եւ ճառա-
գայթ խաւարելոց, հրաւիրեցեր զորդիս լուսոյ ի
յերկնային հարսանիս քո, ընդ զուարճալից անդ
ժողովոց. արժանացո զսա դասուց, լի լապտերօք
մոյժ յառագաստ ըստ իմաստուն սուրբ կուսա-
նացն :

Մերով բնութեամբ զոր զգեցար ի փայտ խա-
չին բեւեռեցար, լուծանելով զմեզ ի մեղաց ի նա-
խահօրն կապանաց, լոյժ եւ զսա ի յանցանաց վա-
սըն քո սուրբ հարչարանաց, լի լապտերօք եւլն. :

Յետ կամաւոր մահու խաչի եղար ի նոր գերեզմանի, երեքօրեայ թաղմամբ յերկրի նոր ըստեղծեր զմեզ կենդանի, զիջեալս ընդ քեզ ի հող մահու, վերագոչեա ձայնին փողոյ, լի լապտերօք եւլն. :

Աձ. գձ. Ռահ գործեալ երկնաւորաց՝ գան առաջի քո նախընթաց, զընտրեալս քո ժողովելով քեզ ընդ առաջ բերեն ամպով, ընդ աղաւնեաց օղապարից խառնեա զսա սուրբ երամից, դասաւորեա զսա վերնոցն երգել զփառս ընդ զուարթնոցն :

Սարսափին տարերք յերկրի՝ յորժամ փառօք զսա հայրենի, արեգական լոյս խաւարի լուսինն աստեղքն նուաղին, զսա յաւուրն աներեկի լուսաւորեա լուսով քոյին, դասաւորեա եւլն. :

Բկ. դկ. Աստուած անեղ, անժամանակ, Հայր անսկիզբն եւ անքանակ, որդւոյ պատճառ ծնընդեամբ անճառ, հոգւոյն բղիժմամբ անքննարար, աղաչեմք զքեզ գթած, երկայնամիտ եւ ողորմած, ողորմեա քո ստեղծուածոյս՝ յուսով ի քեզ ննջեցելոց :

Բանդ որ ի ծոց հօր միածին, եւ կերպարան սկզբնատպին, որով երկինքը գոյացան, աշխարհ լրիւ հաստատեցան, հայցեմք ի քէն Տէր եւ Փրկիչ ամենողորմ եւ կեցուցիչ, ողորմեա եւլն. :

Գերագոյն շնորհեաց բաշխող երկնաւորաց եւ երկրայնոց, կեանք եւ կենաց տո՛ւող հոգի, Հօր եւ Որդւոյ արարչակից, խնդրեմք ի քէն աղբիւր բարեաց արբուցանողըդ ծարաւեաց, ողորմեա եւլն. :

Բձ. Դձ. Ժողովեալքս ի հրաժարումն ծառայի
քո յաշխարհէ, հայցեմք ի քէն արտասուելով եւ
պաղատիմք զայս ասելով, ճանապարհ ընդ քեզ
ելից՝ հանգուցելոյս լեր ուղեկից, ի յօթեւանս
հօր քո լուսոյ զննջեցեալսն մեր հանգո:

Ի փրկութեան մերոյ սկզբան մկրտեցար ի
Յորդանան, զոր շնորհեցեր նոր աւազան ի մաք-
րութիւն մեղաց մարդկան, հայցմամբ կրկին կա-
րապետին մեծին ի ծնունդս մկրտչին, ի յօթե-
ւանս եւլն.:

Լուսաւոր ձայնիս յերկնից զքեզ դաւանեաց
հայր էակից, աղաւնակերպ հոգին իջեալ առ հա-
մագոյդ իւր հանգուցեալ, զմկրտեալս նովին հոգ-
ւով յորդեգրութիւն հօր հաւատով, ի յօթեւանս
եւլն.:

Դձ. Զէակիցըդ հօր զորդի, փառաւորեմք ան-
լըռելի, որ իջեր յարգանդ կուսին, զաղամայինն
առեր մարմին, աղաչանօք Աստուածածնին, ա-
նապական քում ծնողին, ողորմած Տէր ողորմեա
հոգւոցն մեր ննջեցելոց:

Թագաւոր փառաց Քրիստոս որ ժամանեալ
դաս ի յերկնից ի վերայ թեւոց հողմոց քո հայրե-
նի կերպարանօք, եւ առնես հրափորձութեամբ
զքննութիւն որդւոց մարդկան, ողորմած եւլն.:

Ուրախացան ազգըք մարդկան յորժամ լուան
զքո յարութիւնդ, նորափետուր զարդարեցան ի
յարութեան սուրբ միածնիդ, ողորմած եւլն.:

Վերնական զօրացն պետ փողէ բարբառ աւե-
տաբեր, արիք մեռեալք որք յԱղամայ քանդի ահա
եկն փեսայ, ընդ հարսնացեալ մաքուր հոգւոց
կարգեա զսա ի թիւ սրբոց, դասաւորեա եւլն.:

ԱԼԷԼՈՒՔ ՅԱՐՈՒԹԵԱՆ ԿԻՐԱԿԷՑ

Ալէլուիա, ալէլուիա, ալէլուիա

Աձ. Ողորմութեամբ Տեառն լի եղեւ երկիր,
եւ բանիւ Տեառն երկինք հաստատեցան: Եւ հոգ-
ւով բերանոյ նորա ամենայն զօրութիւնք նոցա:

Ալէ. Յարեաւ Աստուած եւ ցրուեցան ամե-
նայն թշնամիք նորա: Փախեան ատելիք նորա յե-
րեսաց նորա:

Փառք եւ երկիրալ. Այժմ եւ միշտ, ալէ.:

Ալէլուիա, ալէլուիա, ալէլուիա:

Ակ. Ծափս հարէք ամենայն հեթանոսք, ա-
ղաղակեցէք առ Աստուած ի ձայն ցնծութեան:
Տէր բարձրեալ եւ ահարկու, թագաւոր մեծ ի վե-
րայ ամենայն երկրի:

Ալէ. Հաճեցար Տէր ընդ երկիր քո, եւ դար-
ձուցեր զգերութիւն Յակոբայ: Թողեր զանիրա-
ւութիւն ժողովրդեան քո, եւ ծածկեցեր զամե-
նայն մեղս նոցա:

Փառք եւ երկիրալ. Այժմ եւ միշտ, ալէ.:

Ալէլուիա, ալէլուիա, ալէլուիա:

Բձ. Յարեաւ Աստուած եւ ցրուեցան ամենայն
թշնամիք նորա: Փախեան ատելիք նորա յերե-
սաց նորա:

Ալէ. Տէր թագաւորաց զվայելչութիւն զգե-
ցաւ: Զգեցաւ Տէր զօրութիւն ընդ մէջ իւր էած:

Փառք եւ երկիրալ. Այժմ եւ միշտ, ալէ.:

Ալէլուիա, ալէլուիա, ալէլուիա:

Բկ. Հաճեցար Տէր ընդ երկիր քո, եւ դարձու-
ցեր զգերութիւն Յակոբայ: Թողեր զանիրաւու-

թիւն ժողովրդեան քո, եւ ծածկեցեր զամենայն մեղս նոցա:

Ալէ. Օրհնեցէք մանկունք զՏէր, եւ օրհնեցէք զանունն Տեառն: Եղիցի անուն Տեառն օրհնեալ յայսմհետէ մինչեւ յաւիտեան:

Փառք եւ երկիրպ. Այժմ եւ միշտ, ալէ.:

Ալէլուիա, ալէլուիա, ալէլուիա:

Դձ. Տէր թաղաւորեաց զվայելչութիւն զգեցաւ: Զգեցաւ Տէր զօրութիւն ընդ մէջ իւր էած:

Ալէ. Գովեա Երուսաղէմ զՏէր, եւ օրհնեա զԱստուած քո Սիօն: Զի զօրացոյց զնիզս դրանց քոց, եւ օրհնեաց զորդիս քո ի քեզ:

Փառք եւ երկիրպ. Այժմ եւ միշտ, ալէ.:

Գկ. Օրհնեցէք մանկունք զՏէր եւ օրհնեցէք զանունն Տեառն: Եղիցի անուն Տեառն օրհնեալ, յայսմհետէ մինչեւ յաւիտեան:

Ալէ. Կենդանի է Տէր, եւ օրհնեալ է Աստուած եւ բարձր եղիցի Աստուած փրկութեան իմոյ: Աստուած է որ խնդրէ զվրէժ իմ եւ հնազանդ առնէ զժողովուրդս ընդ ինեւ:

Փառք եւ երկիրպ. Այժմ եւ միշտ, ալէ.:

Ալէլուիա, ալէլուիա, ալէլուիա:

Դձ. Գովեա Երուսաղէմ զՏէր, եւ օրհնեա զԱստուած քո Սիօն: Զի զօրացոյց զնիզս դրանց քոց, եւ օրհնեաց զորդիս քո ի քեզ:

Ալէ. Ծափս հարէք ամենայն հեթանոսք, աղաղակեցէք առ Աստուած ի ձայն ցնծութեան: Տէր բարձրեալ եւ ահարկու, թաղաւոր մեծ ի վերայ ամենայն երկրի:

Փառք եւ երկիրպ. Այժմ եւ միշտ, ալէ.:

Ալէլուիա, ալէլուիա, ալէլուիա:

Դկ. Կենդանի է Տէր եւ օրհնեալ է Աստուած եւ բարձր եղիցի Աստուած փրկութեան իմոյ: Աստուած է որ խնդրէ զվրէժ իմ եւ հնազանդ առնէ զժողովուրդս ընդ ինեւ:

Ալէ. Ծափս հարէք ամենայն հեթանոսք, աղաղակեցէք առ Աստուած ի ձայն ցնծութեան: Տէր բարձրեալ եւ ահարկու, Թագաւոր մեծ ի վերայ ամենայն երկրի:

Փառք եւ երկիրպ. Այժմ եւ միշտ, ալէ.:

— . —

Եղիցի անուն Տեառն օրհնեալ, ի յայսմհետէ մինչեւ ի յաւիտեան: Օրհնեցէ՛ք, մանկունք զՏէր, եւ օրհնեցէք զանուն Տեառն:

Եղիցի անուն Տեառն օրհնեալ ի յայսմհետէ մինչեւ ի յաւիտեան: Յարեւելից մինչ ի մուտս արեւու օրհնեալ է անուն Տեառն: Ի յայսմ հետէ մինչեւ ի յաւիտեան:

Փառք եւ երկրպագութիւն Հօր եւ Որդւոյ եւ սրբոյ Հոգւոյն. եւ այժմ եւ միշտ եւ յաւիտեանս յաւիտենից ամէն. ի յայսմ հետէ մինչեւ ի յաւիտեան:

Դպ. Արի՛, Տէր, օգնեա մեզ, եւ փրկեա զմեզ, վասն անուան քո:

Արի՛ եւ մի՛ մերժեր զմեզ իսպառ, վասն անուան քո:

Թագաւորեսցէ Տէր յաւիտեան՝ Աստուած քո Սիօն, յազգէ յազգ:

Օրհնեա՛, անձն իմ զՏէր, օրհնեցից զՏէր ի կենդանութեան իմոյ:

Դպ. Օրթի՛:

Քհնյ. Խաղաղութի՛ւն ամենեցուն :

Դպ. Եւ ընդ հոգւոյդ քում :

Դպ. Երկիւղածութեամբ լուարուք :

Քհնյ. Սրբոյ Աւետարանիս որ ըստ,

Դպ. Փա՛ռք քեզ, Տէր Աստուած մեր :

Դպ. Պօսխումէ՛ :

Դպ. Ասէ Աստուած :

Դպ. Փա՛ռք յարութեան քո, Տէր, ո՛չ դա-
դարեցայց Քրիստոս, օրհնեալ զքեզ զամենայն ա-
ւուրս կենդանութեան իմոյ :

— . —

Փա՛ռք յարութեան քո, Տէր, ո՛չ դադարե-
ցայց Յիսուս, գովել զքեզ զամենայն աւուրս կեն-
դանութեան իմոյ :

Ես ոչ դադարեցայց, Փրկիչ, փառաւորել ըզ-
քեզ զամենայն աւուրս կենդանութեան իմոյ :

Ի գիշերի համբարձէք զձեռս ձեր ի սրբու-
թիւն, եւ օրհնեցէք զՏէր :

Աստ օրհնեցէք ամենայն ծառայք Տեառն՝
զՏէր ի սրբութիւն, եւ օրհնեցէք զՏէր :

Լուսապայծառ հրեշտակն՝ նստելով ի կեն-
սատու գերեզմանին : Եւ աւետէր կանանց. յար-
եաւ Աստուած :

— . —

ԵՐԳ ՄԵԾ ՊԱՀՈՑ ԿԻՒՐԱԿԷԻՑՆ

(Երիցս կրկնեա՛ւ եւ գլետիկն բարձր ասա)

Զամենայն աւուրս կենաց իմոց, ես ո՛չ դա-
դարեցայց օրհնեալ զքեզ, Քրիստոս, փրկիչդ աշ-
խարհի :

Ձամենայն աւուրս: (Կրկնէ)

Ի գիշերի համբարձէք զձեռս ձեր ի սրբութիւն եւ օրհնեցէք զՏէր:

Աստ օրհնեցէք ամենայն ծառայք Տեառն, զՏէր ի սրբութիւն եւ օրհնեցէք զՏէր:

Գալստեան. Դասք լուսեղէն զուարթնոցն ըստ պատէին մեծի գալստեան Տեառն: Եւ երգէին երգ նոր, օրհնեալ է քո սուրբ գալուստդ:

Համբարձման. Համբարձէ՛ք իշխանք, զղըրունս ձեր ի վեր: Եւ գայ մտանէ փառօք ի փառս:

Հոգեգալստեան. Իջեալ հոգին յառաքեալսն եւ հրազինեաց զընտրեալսն անկեղծ ի սուրբ վերնատունն, եւ հանգեաւ նոքօք յազգս մարդկան զանազան լեզուաց բաժանմամբ:

Վարդապետ. Յնծայ Թափօր Հերմոնիւ, եւ առաքեալքն ի հայրական ձայնէն Թմրեալք: Եւ կենդանեաց եւ մեռելոց տէր ծանուցին զքեզ Մովսէս եւ Հեղիաս:

Խալ. Այսօր եկեալ կամաւ Տէրն ի խաչ, եւ տարածեաց զբազուկս իւր ի նմա:

Ծննդեան. Հոյլք հոգեղէնք ընդ հովիւսն քարոզէին ի յանրանից մըսուր զբանըն բազմեալ: Եւ մոգքն աստեղքն գուշակեալ մատուցին զընծայսն խորհրդոյ:

Տեառնընդառաջ. Քառասնօրեայ տղայ եւ Տէրն օրինադիր տնօրինարար եկն ի տաճարն: Եւ Սիմէօն գգուէր գըրկօքն, եւ յօրինաց կապից լուծումն հայցէր ի կեանս աւետարանի:

ՕՐՀՆՈՒԹԻՒՆ ԱՌԱՒՕՏՈՒ

Գկ. Փա՛ռք ի բարձունս Աստուծոյ, եւ յերկիր խաղաղութիւն, ի մարդիկ հաճութիւն: Եւ օրհնութիւն քեզ ի բարձունս, օրհնեալ ես, Տէր Աստուած մեր. օրհնեմք զքեզ եւ զովեմք զքեզ: Խոստովանիմք Տէր զքեզ եւ երկիրպագանեմք քեզ՝ փառաւորեմք զքեզ, զոհանամք Տէր զքէն վասն մեծի փառաց քոց: Տէր Թագաւոր, սուրբդ երկնային, Աստուած եւ Հայր ամենակալ: Տէր եւ որդի հօր միածին, Յիսուս Քրիստոս եւ սուրբ որդի Տէր Աստուած, Գառն Աստուծոյ եւ որդի հօր, որ առեր զմերս ի կուսէն: Ողորմեցար, բարձեր ըզմեղս աշխարհի, եւ արդ ընկալ զաղաչանս մեր: Սուրբդ որ նստիս ընդ աջմէ Հօր, ողորմեաց մեզ: Զի դու միայն սուրբ, դու միայն բարձրեալ ես՝ դու միայն Տէր մեր Յիսուս Քրիստոս: Տէր եւ հոգիդ սուրբ՝ որ ի փառս Աստուած ընդ հօր. Ամէն:

Եւ յամենայն ժամ օրհնեմք զքեզ Տէր, եւ զովեմք զանուն սուրբ քո յաւիտեան եւ յաւիտեանս յաւիտենից: Արժանի արա, Տէր, զօրս զայս խաղաղութեամբ եւ առանց մեղաց պահեա զմեզ: Օրհնեալ ես, Տէր Աստուած հարցն մերոց, զովեալ եւ փառաւորեալ է անուն սուրբ քո յաւիտեանս. ամէն: Օրհնեալ տէր, ուսո՛ր ինձ զարդարութիւնս քո (երիցս կրկնեա): Տէր, ապաւէն եղեր մեր յազգէ յազգ: Ես աղաչեմ, Տէր, ողորմեա ինձ եւ բժշկեա՛ զանձն իմ, ես մեղայ քեզ: Յո՛ւյց մեզ Տէր զողորմութիւնս քո եւ զփրկութիւնըս քո առ՛ւր մեզ: Տէր, ողորմութիւն քո յաւիտեան, զգործս ձեռաց քոց մի անտես առներ: Տէր

իմ, զքեզ ապաւէն ինձ արարի, ուսո՛ ինձ առնել
զկամս քո, զի դու ես Աստուած իմ: Ի քէն է Տէր,
աղբիւր կենդանութեան եւ լուսով երեսաց քոյ
տեսանեմք զլոյս: Ծագեա՛ զողորմութիւնս քո՝
որք ճանաչեն զքեզ Տէր:

Մաղթ. Փառք, պատիւ եւ երկրպագութիւն ի
բարձունս Հօր եւ Որդւոյ եւ Հոգւոյն սրբոյ. այժմ
եւ միշտ:

Աձ. ալ. Զյարութիւն զՓրկչին օրհնեսցուք,
զՓրկչին մերոյ օրհնեսցուք զյարութիւն:

Յարեաւ Աստուած եւ ցրուեցան ամենայն
թշնամիք նորա: Փախեան ատելիք նորա յերեսաց
նորա:

Բձ. բլ. Զյարութիւն զՓրկչին օրհնեսցուք:

Զյարուցեալն զԲրիստոս օրհնեսցուք, եւ ըզ
յարութիւն նորա փառաւորեսցուք:

Գձ. գլ. Զյարութիւն չՓրկչին օրհնեսցուք:

Որ ելն ի բարձունս եւ գերեաց զգերութիւն.
էառ աւար, բաշխեաց պարգեւս եւ ետ որդւոց
մարդկան:

Դձ. դլ. Զյարութիւն զՓրկչին օրհնեսցուք:

Որ համբերեաց խաչի եւ եղաւ ի նորափոր
վիմի, եւ Աստուածային յարութեամբն զմահաց-
եալսն վերարեւելաց ի կեանս:

— . —

ԵՐԳ ՀԱՄԲԱՐՁՄԱՆ ՔՐԻՍՏՈՍԻ

Զյարութիւն զՓրկչին օրհնեսցուք, զՓրկչին
մերոյ օրհնեսցուք զյարութիւն:

Համբարձաւ Աստուած օրհնութեամբ եւ Տէր
մեր ձայնիւ փողոյ:

Հոգեգալստեան. Զգալուստ Հոգւոյն օրհնես-
ցուք. զՀոգւոյն սրբոյ օրհնեսցուք զգալուստ
Յեկեղեցիս բարերանեցէք զԱստուած եւ զՏէր
յաղբերացն Իսրայելի:

Ծաղկազարդի. Այսօր մտանէ թագաւորն մեր
Քրիստոս ի յԵրուսաղէմ նոր քաղաք Դաւթի:

Ընդ առաջ ելին ծերքն ոստովք ձիթենեօք, եւ
զԱստուածորդին փառաւորէին:

Վառդափառի. Քո են երկինք եւ քո է երկիր,
զաշխարհս լրիւ իւրով դու հաստատեցեր:

Զհիւսիս եւ զհարաւ դու արարեր, Թափօր եւ
Հերմօն յանուն քո ցնծասցեն:

Ծննդեան եւ Աւետման. Իջցէ որպէս զանձրեւ
ի վերայ գեղման, որպէս ցօղ զի ցօղէ յերկիր:

Աստուած զիրաւունս քո արքայի տուր, եւ
զարդարութիւն քո որդւոյ թագաւորի:

Խաչի. Ետուր երկիւղածաց քոց նշան, զի աս-
րեսցին յերեսաց աղեղան:

Որպէս փրկեցին սիրելի քո, կեցո աջով քով
եւ լուր մեզ:

Յայտնութեան եւ Տեառնընդառաջի. Արե-
գակն արդարութեան այսօր յայտնեցար ազգի
մարդկան, մարդ եղեալ սրբեցիր զջուրս վերած-
եալ զմեզ մկրտութեամբ սրբոյ Հոգւոյն:

Ի վայելչութիւն փառաց սրբութեան քո, ի
յարգանդէ յառաջ քան զարուսեալ ծնայ զքեզ,
մարդ եղեալ:

— . —

Դպ. Սուրբ Աստուած, սուրբ եւ հզօր, սուրբ
եւ անմահ, որ... վասն մեր, ողորմեա՛ մեզ: (Ե-
րիցս կրկնեա):

Փառաւորեալ եւ օրհնեալ միշտ սուրբ կոյս առ զաղաչանս մեր որդւոյ քո եւ Աստուծոյ մերոյ:

ՄԱՂԹ. Փրկել զմեզ ի փորձութենէ եւ յամենայն վտանգից մերոց:

ՔԱՐՈԶ. Եւ եւս խաղաղութեան զՏէր աղա.:

Վասն լսելի լինելոյ Տեառն Աստուծոյ ձայնի աղաչանաց մերոց բարեխօսութեամբ սուրբ Աստուածածնին: Եւ իջանելոյ ի վերայ մեր ողորմութեան եւ գթութեան Տեառն Աստուծոյ: Ամենակալ Տէր Աստուած մեր, կեցո եւ ողորմեա:

ՍԱՂՄՈՍ ԶԺԲ.

Դպ. Եղիցի անուն Տեառն օրհնեալ, յայսմ հետէ մինչեւ յաւիտեան:

Օրհնեցէ՛ք մանկունք զՏէր, եւ օրհնեցէք զանունն Տեառն:

Եղիցի անուն Տեառն օրհնեալ, յայսմ հետէ մինչեւ յաւիտեան:

Յարեւելից մինչ ի մուտս արեւու օրհնեալ է անուն Տեառն:

Բարձր է ի վերայ ամենայն ազգաց Տէր, եւ յերկինս են փառք նորա:

Ով է որպէս Տէր Աստուած մեր ի բարձունս բնակեալ եւ զխոնարհս տեսանէ յերկինս եւ յերկրի:

Յարուցանէ զաղքատս յերկրէ եւ բարձր առնէ զտառապեալս յաղբերաց:

Նստուցանէ զնոսա իշխանս ընդ իշխանս Ժողովրդեան իւրոյ:

Բնակեցուցանէ զամուլն ի տան ուրախամիտ, որպէս մայր որդւովք բերկրեալ: Օրթի, եւլն.:

ԵՐԳ ՄԻԱՇԱԲԱԹԻ ԱՒՈՒՐ

Դպ. Նորաստեղծեալ բանն յանէից ի սկզբանէ գերկինս երկնից, եւ գերկնային զօրս անմարմնոյ իմանալեացն զուարթնոց եւ զգալի տարերց քառից հակառակաց միաբանից, որով յաւէտ փառարանի Երրորդութիւնն անճառելի:

Երեքսրբեան մի տէրութիւն, միով բնութեամբ աստուածութիւն, լոյս որ անեղ արարչական ասաց լինել լոյս եղական, զոր եւ ծագեաց յօրն առաջին միաշաբաթ կիւրակէին, որով յաւէտ փառարանի Երրորդութիւնն անճառելի:

Բարունօրէն բացատրեսցուք, զծածկեալ խորհուրդն ծանիցուք, զի լոյս անտես իմանալի, մաքուր հոգւոց տեսանելի, ի սոյն ծագեաց միաշաբաթ մեզ յարութեան սուրբ ճառագայթ, եկայք փրկեալք ընդ զուարթնոյն տուք օրհնութիւն յարուցելոյն:

Սէրդ սիրով խոնարհեցար, ի փրկութիւն մեր մարմնացար, նովին մարմնովն խաչեցար, ի գերեզման մահու եղար, այսօր յարեար աստուածաբար, ի հրեշտակաց քարոզեցար, եկայք փրկ.:

Երեւեցար խնկաբերիցն յողջոյն կենաց ուրախալից, և ի լերինն Գալիլիա առաքելոց մետասանից, արժանացո զմեզ ընդ նոսին զքեզ տեսանել յօրն վերջին, եկայք փրկ.:

Սիօնի որդիք, զարթի՛ք, հարսին լուսոյ տուք աւետիք եթէ փեսայն քո յարուցեալ յաղթեաց մահու իշխանութեամբ. գայ պսակէ զքեզ փառօք, ել ընդ առաջ պճնեալ զարդուք, երգեա երգ նոթ յարուցելոյն ննջեցելոց կենաց պաղոյն:

ԽՈՐՀՈՒՐԴ Ս. ՊԱՏԱՐԱԳԻ

Դպ. Խորհուրդ խորին անհասանկիղքն, որ զարդարեցեր զվերին պետութիւնդ. ի յառաջաստ անմատոյց լուսոյն. գերապանծ փառօք զդասս հրեղինաց:

Անճառահրաշ զօրութեամբ ստեղծեր զԱդամ պատկեր տիրական, եւ նազելի փառօք զգեատաւորեցեր ի դրախտն Ադենի տեղի բերկրանաց:

Չարչարանօք քո սուրբ միածնիդ, նորոգեցան արարածք ամենայն եւ վերստին մարդն անմահացաւ, զարդարեալ ի զգեստ անկողոպտելի:

Անձրեւածին բաժակ հրահոսան, որ հեղար յառաքեալսն ի սուրբ վերնատան, հեղ եւ ի մեզ Հոգիդ սուրբ Աստուած ընդ պատմութեանին զքո զիմաստութիւն:

Տան քում վայելէ սրբութիւն որ զգեցար ըլ՝ վայելչութիւն. սրբութիւն փառաց ընդ մէջ քո ածեալ, պատեա զմէջս մեր ճշմարտութեամբ:

Որ զարարչագործ բազուկս քո տարածեցեր ընդ դէմ աստեղաց, հաստատեա զբազուկս մեր կարողութեամբ. համբարձմամբ ձեռաց առ քեզ միջնորդիլ:

Ի իւսմամբ թագ ի գլուխ պատեացես զմիտս եւ զգայարանս, խաչանիշ ուրարմամբ ըստ ահարովնի ծաղկեալ ոսկեթել ի զարդ խորանին:

Բամից բոլորից տիրապէս աստուածպետական, նափորտապատ սիրով զմեզ զգեստաւորեցեր, քում սուրբ խորհրդոյդ լինիլ սպասաւոր:

Թագաւոր երկնաւոր, զեկեղեցի քո անշարժ

պահեա, եւ զերկրպագուս անուանդ քում պահեա
ի խաղաղութեան:

Քհնյ. Եւ վասն սրբունոյ Աստուածածնին:

Սրկ. Սուրբ զԱստուածածնին եւ զամենայն
սուրբս բարեխօս արասցուք առ Հայր ի յերկինս
զի կամեցեալ ողորմեսցի եւ զթացեալ կեցուցէ
զարարածս իւր: Ամենակալ Տէր Աստուած մեր
կեցո՛ւ եւ ողորմեա՛ւ:

Քհնյ. Ընկայ Տէր, զայցաչանս մեր բարեխօս:

Դպ. Յիշեցիր եւ զմեզ առաջի անմահ Գառինն

Աստուծոյ:

Քհնյ. Յիշեալ լիջիք առաջի անմահ Գառինն
Աստուծոյ:

— . —

ՓՈԽ

Դպ. Աղաղակեցէք առ Տէր ամենայն երկիր,
ծառայեցէք Տեառն ուրախութեամբ:

Մտէք առաջի նորա ցնծութեամբ, ծաներուք
զի նա է Տէր Աստուած մեր:

Նա արար զմեզ եւ ոչ մեք էաք, մեք ժողո-
վուրդ եւ խաչն արօտի նորա:

Մտէք ընդ դրունս նորա խոստովանութեամբ
եւ օրհնութեամբ ի յարկս նորա:

Խոստովան եղերուք Տեառն եւ օրհնեցէք զա-
նուն նորա:

Քաղցր է Տէր, յաւիտեան է ողորմութիւն նո-
րա, յազգէ մինչեւ յազգ է ճշմարտութիւն նորա:

Փառք հօր եւ որդոյ եւ հոգւոյն սրբոյ:

Այժմ եւ միշտ եւ յաւիտեանս յաւիտենից ա-
մէն:

Սրկ. Սուրբ Եկեղեցեալս աղաչեսցուք զՏէր՝
դի սովաւ փրկեսցէ զմեզ ի մեղաց եւ կեցուսցէ չը-
նորհիւ ողորմութեան իւրոյ: Ամենակալ Տէր
Աստուած մեր, կեցո՛ւ եւ ողորմեա՛ւ:

Քհնյ. Ի մէջ տաճարիս եւ առաջի եւայլն:

Մտից առաջի սեղանոյ Աստուծոյ առ Աստ-
ւած, որ ուրախ առնէ զմանկութիւն իմ:

Սրկ. Դատ արա ինձ, Աստուած, եւ իրաւ ա-
րա ինձ ի դատաստանի իմում:

Քհնյ. Յազգէ որ ոչ է սուրբ ի մարդոյ մեղա.:

Սրկ. Օրհնեսցուք զամենակալն Աստուած,
զՀայր Տեառն մերոյ Յիսուսի Քրիստոսի, որ ար-
ժանի արար զմեզ կալ ի տեղւոջս փառաբանու-
թեան, եւ երգել զերգս Հոգեւորս, ամե.:

Քհնյ. Ի յարկի սրբութեան եւ ի տեղւոջս
փառաբանութեան:

— . —

Շարական խնկարկութեան

Դպ. Յայս յարկ նուիրաց ուխտի Տեառն Տա-
ճարիս. Ժողովեալքս աստանօր ի խորհուրդ պաշ-
տաման պաղատանաց յառաջիկայ Սուրբ Պատա-
րագիս, խնկովք անուշիւք խումբ առեալ պարեմք
ի վերնայարկ սրահս խորանիս, ուղղութեամբ
ընկալ զաղօթս մեր որպէս բուրումն անուշահոտ
խնկաց տաշխից եւ կինամօնաց. եւ զմատուցողս
պահեա սրբութեամբ միշտ եւ հանապազ քեզ ըս-
պասաւորել: Բարեխօսութեամբ մօր քո եւ կուսի
ընկալ զաղաչանս քոց պաշտօնէիցս: Որ գերագոյն
քան զերկինս սլայծառացուցեր սուրբ զեկեղեցի
արեամբ քո Քրիստոս, եւ ըստ երկնայնոցն կար-

գեցեր ի սմա զգաստ առաքելոց եւ մարգարէից, սուրբ վարդապետաց, այսօր ժողովեալք դասք քահանայից, սարկաւազաց, դպրաց եւ կղերիկոսաց, խունկ մատուցանեմք առաջի քո Տէր, յօրինակ ըստ հնումն Չաքարիայ, ընկալ առ ի մէնջ ըստ խնկանուէր մաղթանս, որպէս զպատարագն Աբէլի, զնոյի եւ զԱբրահամու:

Բարեխօսութեամբ վերին քո զօրացդ միշտ անշարժ պահեա զԱթոռ Հայկազնեայ:

— . —

ՇԱՐԱԿԱՆՔ ԹԱՓՈՐԻ

Աձ. Կանանցն կանխելով ի թաղումըն կենդանւոյն, տեսին ըզվէմն ի դրանցն ի բաց մերթեալ: Թափուր ըզգերեղմանն եւ ունայն տեսանէին եւ տըրտմութեամբ լային յուսահատեալք: Մայր խաչեցելոյն զի^ո լաս յուսահատեալ, քանզի Քրիստոս փառօք մեծաւ, յարեաւ:

Բձ. Չայն աւետաւոր հրեշտակին զուարճացոյց զառաւօտեան կանայսն, զՔրիստոսի պատմելով զյարութիւն: Մի յուսահատիք տրտմութեամբ այլ ցնծացէք բերկրելով. խնկազգեացք աստուածայնոյն եւ փափաքողք յարութեան:

Գկ. Տեսիլ փայլակնաձեւ զուարթնոյն ի վիմին հնչեցեալ առ խնկազգեաց կանայսն, փարատեցոյց զերկիւղալից տրտմութիւնն: Պահապանքն պակուցեալ ահարեկ լինէին եւ կանանցն աւետարանեալ մահ մահու յաղթեաց եւ ծանուցաւ մահ: Քարոզս առաքելով առ երջանիկ առաքեալսն, փութացարուք ի Գալիլիա եւ տեսանիցէք զկենսադործողն զՔրիստոս:

Դձ. Փառարանակից Հօր Որդի, որ վասն մեր խաչեցար, զդժոխս աւերեալ յարմար մաւութիւններով, փառք յարութեան քո Տէ՛ր: Հրեշտակապետին իջումն որ զպահապանսն երկիւղիւ զարհուրեցոյց առ դրանն զերեզմանին, փառք յարութեան: Եւ ըսքանչելի սուրբ կանանցն աւետարանէր ասելով. յարեալ Քրիստոս յարուցիչն մեռելոց. փառք յարութեան:

Սրկ. Օրհնեա Տէր:

Քհնյ. Օրհնեալ Թագաւորութիւն Հօր եւ:

Եւ ասի Ժամամուտ ըստ պատշաճի աւուրն

Սրկ. Եւ եւս խաղաղութ. : Օրհնեա Տէր:

Քհնյ. Օրհնութիւն եւ: Խաղաղութիւն:

Դպ. Եւ ընդ հոգւոյդ քում:

Սրկ. Աստուծոյ երկիրպագեսցուք:

Դպ. Առաջի քո, Տէր:

Քհնյ. Տէր Աստուած մեր, որոյ կարողութ. :

— . —

ՃԱՇՈՒ ՇԱՐԱԿԱՆՔ ՅԱՐՈՒԹԵԱՆ

Տեր Թագաւորեաց զվայելչութիւն զգեցաւ

Աձ. ԶԹագաւորն փառաց Քրիստոս որ վասն մեր մարմնացաւ ի սրբոյ կուսէն եւ խաչի համբերելով, միաբանութեամբ երգով բարեբանեցուք: Որ զԹաղումն երեքօրեայ յանձն էառ յարուցեալ ի մեռելոց իշխանութեամբ, միաբանութեամբ: Կարողապէս զդրունս դժոխոց խորտակեաց, եկեղեցւոյ իւրում զգեցոյց մեծ վայելչութիւն, միաբանութեամբ:

Ակ. Թագաւորեաց Աստուած ի վերայ հեթանոսաց եւ լուսազարդեալ պայծառացոյց սուրբ

զեկեղեցի, ժողովուրդք զՔրիստոսի բարերանեցէք: Զգեցաւ Տէր զօրութիւն ընդ մէջ իւր էած, քանզի շիջոյց զխայթոց մահու խաչին իւրով սրբով, ժողովուրդք: Յարեաւ Աստուած եւ տիեզերք ամենայն նորափետուր զարդարեցան եւ մանկունք Հաղորդեցան մարմնոյ եւ արեան կենարարին, ժողովուրդք:

Բձ. Թագաւորին յաւիտենից մատուցուք զօրհներգութիւն որ ի կուսէն մարմնացաւ, Հասյ տատեաց զաշխարհս ի Հաւատս անսասանելի, փառք նմա այժմ եւ յաւիտեան: Որ կամաւ Համբեր մահու խաչի Աստուած բանն եւ եհեղ զարիւն իւր սուրբ ի փրկութիւն տիեզերաց, փառք նմա: Աստուածապէս յարուցեալ ի նորափոր ի վիմէն լուսազարդեաց զեկեղեցի իւր սուրբ ի փառս եւ ի գովեստս անուան իւրոյ, փառք նմա:

Բկ. Օրհնութիւն ի բարձունս անօրինեցելոյն ի կուսէն Թագաւորին մերոյ Ալէլուիա, ալէլուիա: Օրհնութիւն ի բարձունս անսասանելի եւ Հաստատուն յուսոյն մերոյ Ալէ: Օրհնութիւն ի բարձունս անբաժանելի եւ միասնական սուրբ Երրորդութեանն Ալէ:

Գձ. ԶԹագաւորն Քրիստոս օրհնութեամբ երգով բարերանեցէք, ամենայն երկիր: Արարողին երկնի եւ երկրի մատուցուք երգով գոհարանութիւն ամենայն երկիր: Երրորդութեանն եւ մի Աստուածութեանն մատուցուք պատիւ, երկրպագութիւն յաւիտեանս ամէն:

Գկ. Լուսով աստուածութեան քո Քրիստոս, լուսաւորեցեր սուրբ զեկեղեցի, պահեա զսա անշարժ յաւիտեան: Տօն է այսօր յԵրուսաղէմ Հա-

ւատացելոց բազմութեամբ զնաւակատիս սուրբ եկեղեցւոյ, պահեա զսա: Բացան դրունք հաւատոյ նոր Սիովնի ընդունիլ զանմահ փեսայն յառագաստ, բաշխէ զմարմին քո եւ զարիւն, պահեա զսա:

Դձ. Թագաւոր Քրիստոս էակից Հօր եւ Հոգւոյն, որ վասն մեր մարմնացար ի սուրբ Կուսէն, Թագաւոր փառաց Քրիստոս քեզ փառք: Որ կամաւոր մահուամբ զմահ մեռուցեր, եւ անապական յարութեամբ քո նորոգեցեր զաշխարհ, Թագաւոր փա.: Որ կենդանարար արեամբ քո լուսաւորեցեր սուրբ զեկեղեցի, երգեմք քեզ ընդ հրեշտակս ասելով, Թագաւոր փա.:

Դկ. Որ անբաւելի յաղթող զօրութեամբ Թագաւոր ես երկնի եւ երկրի Քրիստոս Աստուած, օրհնարանեմք զքեզ: Որ փառակցութեամբ ընդ Հօր վերօրհնիս յանմահից եւ խոնարհեալ մարմին զգեցար փառաց Թագաւոր, օրհնարա.: Որ կարողապէս զմահ կոխեցեր եւ յարուցեալ լուսաւորեցեր սուրբ զեկեղեցի անմահ էութիւն, օրհնարա.:

Սրկ. Օրհնեա Տէր:

Քհնյ. Զի քո է կարողութիւն եւ զօրութիւն:

Սրկ. Պոստիսումէ:

Դպ. Սուրբ Աստուած, սուրբ եւ հզօր, սուրբ եւ անմահ, որ յարեար ի մեռելոց, ողորմեա մեզ: (Երիցս կրկնեա):

Սրկ. Եւ եւս խաղաղութեան զՏէր աղաչ.:

Դպ. Տէր ողորմեա':

Սրկ. Վասն խաղաղութեան ամենայն աշխար-

Հի եւ Հաստատութեան սրբոյ եկեղեցւոյ զՏէր աղաչեսցուք:

Դպ. Տէր ողորմեա՛ :

Սրկ. Վասն Հայրապետին մերոյ Տեառն (այս անուն) կենաց եւ փրկութեան Հոգւոյ նորին, զՏէր աղաչ.:

Դպ. Տէր ողորմեա՛ :

Սրկ. Վասն վարդապետաց, քահանայից, սարկաւազաց, դպրաց եւ ամենայն ուխտի մանկանց եկեղեցւոյ, զՏէր աղաչեսցուք:

Դպ. Տէր ողորմեա՛ :

Սրկ. Վասն բարեպաշտ Թագաւորաց եւ աստուածասէր իշխանաց, զօրավարաց եւ զօրաց նոցին զՏէր աղաչեսցուք:

Դպ. Տէր ողորմեա՛ :

Սրկ. Վասն Հոգւոցն Հանգուցելոց որք:

Դպ. Յիշեա՛ Տէր եւ ողորմեա՛ :

Սրկ. Եւ եւս միաբան վասն ճշմարիտ:

Դպ. Տէր ողորմեա՛ :

Սրկ. Զանձինս մեր եւ զմիմեանս:

Դպ. Քեզ Տեառնդ, յանձն եղիցուք:

Սրկ. Ողորմեաց մեզ Տէր Աստուած մեր:

Դպ. Տէր ողորմեա՛, Տէր ողորմեա՛, Տէր ող.:

Սրկ. Օրհնեա Տէր:

Քհնյ. Զի ողորմած եւ մարդասէր ես:

Դիրքն եւ Աւետարանն կը կարդացուի

— . —

ԱԼԷԼՈՒԻԱՅՔ ՃԱՇՈՒ ՅԱՐՈՒԹԵԱՆ

Աձ. Դու յարուցեալ գթացիս ի վերայ Սիօնի, Ժամանակ գթալոյ նորա Հասեալ է Ժամ:

Ակ. Օրհնեցէք զՏէր յօրհնութիւն ի նոր, օրհնութիւն նմա յեկեղեցիս սրբոց:

Բձ. Ծափս հարէք ամենայն հեթանոսք, աղաղակեցէք առ Աստուած ի ձայն ցնծութեան:

Բկ. Արի, Տէր Աստուած իմ ի հրամանս քո զոր պատուիրեցեր եւ ժողովք ժողովրդոց շուրջ եղիցին զքեւ:

Գձ. Ուրախ եղեւ Իսրայէլ յարարիչ իւր, որդիք Սիօնի ցնծասցեն ի թագաւորն իւրեանց:

Գկ. Եկայք եւ տեսէք զգործս Աստուծոյ. որպէս զի ահեղ են խորհրդով քան զամենայն որդիս մարդկան:

Դձ. Հաճեցար Տէր ընդ երկիր քո եւ դարձուցեր զգերութիւն Յակոբայ:

Դկ. Յարեաւ Աստուած եւ ցրուեցան ամենայն թշնամիք նորա, փախեան ատելիք նորա յերեսաց նորա:

Դպ. Փառք քեզ Տէր Աստուած մեր:

Սրկ. Հաւատամք...

Սրկ. Օրհնեա Տէր:

Քհնյ. Իսկ մեք փառաւորեսցուք:

Սրկ. Եւ եւս խաղաղութեան զՏէր աղաչես:

Դպ. Ամէն, Տէր ողորմեա:

Սրկ. Եւ եւս հաւատով աղաչեսցուք եւ խընդրեսցուք ի Տեառնէ Աստուծոյ եւ ի փրկչէն մերմէ Յիսուսէ Քրիստոսէ ի ժամուս պաշտաման եւ աղօթից:

Դպ. Կեցո Տէր:

Սրկ. Զժամ սուրբ պատարադիս եւ զառաջիկայ օրս խաղաղութեամբ անցուցանել:

Դպ. Շնորհեա՛ Տէր:

Սրկ. Զհրեշտակ խաղաղութեան պահ. :

Դպ. Շնորհեա՛ Տէր :

Սրկ. Զքաւութիւն եւ զթողութիւն :

Դպ. Շնորհեա՛ Տէր :

Սրկ. Զսրբոյ խաչին մեծ եւ կարող զօրութ. :

Դպ. Շնորհեա՛ Տէր :

Սրկ. Եւ եւս միաբան վասն ճշմարիտ :

Դպ. Տէր ողորմեա՛ :

Սրկ. Զանձինս մեր եւ զմիմեանս :

Դպ. Քեզ Տեառնդ յանձն եղիցուք :

Սրկ. Ողորմեա՛ ց մեզ, Տէր Աստուած մեր :

Դպ. Տէր ողորմեա՛, Տէր ողորմեա՛, Տէր ող. :

Սրկ. Օրհնեա Տէր :

Քհնյ. Որպէս զի արժա. : խաղաղութիւն. :

Դպ. Եւ ընդ հոգւոյդ քում :

Սրկ. Աստուծոյ երկիրպագեսցուք :

Դպ. Առաջի քո Տէր :

Քհնյ. խաղաղութեամբ քով Քրիստոս :

Սրկ. Օրհնեա Տէր :

Քհնյ. Տէր Աստուած օրհնեսցէ զամեն. :

Դպ. Ամէն :

Սրկ. Մի՛ ոք յերեխայից, մի՛ ոք ի թերահաւատից եւ մի՛ ոք յապաշխարողաց եւ յանմաքրից մերձեսցի յաստուածային խորհուրդս :

Դպ. Մարմին տէրունական եւ արիւն փրկչական կան առաջի երկնային զօրութիւնքն աներեւոյթք, երգեն եւ ասեն անհանգիստ բարբառով, սուրբ, սուրբ, սուրբ Տէր զօրութեանց :

Սրկ. Սաղմոս ասացէք Տեառն Աստուծոյ մերում, զպիրք, ձայնիւ քաղցրութեամբ զերգս հոգեւորս :

(Եւ դպիրքն երգեն զսրբասացութիւն ըստ
պատշաճի աւուրն)

Ծննդեան, Աւետեաց, Վարդավառի եւ
Աստուածածնայ

Բազմութիւնք հրեշտակաց եւ զօրաց երկնա-
ւորաց իջեալ ի յերկնից ընդ միածին թագաւո-
րին: Որք երգէին եւ ասէին, սա է Որդին Աստու-
ծոյ, ամենեքեան ասասցուք. ուրախ լերուք եր-
կինք եւ ցնծասցեն հիմունք աշխարհի: Զի Աստ-
ւածն յաւիտենական ի յերկրի երեւեցաւ եւ ընդ
մարդկան շրջեցաւ, զի կեցուսցէ զանձինս մեր:

Մեծի Հինգշաբթի

Զերգս հոգեւորս: Որ վերանստիս ի կառս հը-
րանիւթս քառակերպեանս անճառելի բանդ Աստ-
ւած: Այսօր իջեալ ի յերկնայնոցն վասն քո արա-
րածոցս, յանձն առեր բազմիւ ընդ աշակերտսն:
Եւ սերովբէքն եւ քերովբէքն վերին զօրացն սքան-
չացեալ աղաղակէին ասելով, սուրբ, սուրբ,
սուրբ Տէր զօրութեանց:

Յինանց եւ Սաշի

Ո՞վ է, որպէս Տէր Աստուած մեր խաչեցաւ
վասն մեր, թաղեցաւ եւ յարեաւ, հաւատարիմ ե-
ղեւ յաշխարհի եւ համբարձաւ փառօք: Եկայք թո-
ղովուրդք, զօրհնութիւնս ընդ հրեշտակս երգես-
ցուք նմա ասելով. սուրբ, սուրբ, սուրբ ես Տէր
Աստուած մեր:

Կիւրակեի եկեղեցւոյ եւ Ծաղկազարդի

Հրեշտակային կարգաւորութեամբ լցեր Աս-
տուած զքո սուրբ զեկեղեցի: Հազարք հազարաց

հրեշտակապետք կան առաջի քո եւ բիւրք բիւրուց պաշտեն զքեզ Տէր, եւ ի մարդկանէ հաճեցար ընդունիլ զօրհնութիւն ձայնիւ խորհրդականաւ. սուրբ, սուրբ, սուրբ Տէր զօրութեանց:

Պահոց եւ ննջեցելոց

Վասն յիշատակի հանգուցելոցն, ընկալ հայր սուրբ մարդասէր զպատարագս: Եւ համարեա ըզհոգիս նոցա ի թիւ սրբոց քոց յարքայութեան երկնից: Մանաւանդ զի հաւատով մատուցուք ըզպատարագ, հաշտեցի Աստուածութիւնդ եւ հանգուցէ զհոգիս նոցա:

Մարտիրոսաց

Սրբութիւն սրբոց, մեծ եւ ահաւոր եւ զինուորութիւնք հրեշտակացն օրհնեն զքեզ եւ ասեն. փառք ի բարձունս Աստուծոյ եւ յերկիր խաղաղութիւն:

Մարգարեից, Առաքելոց եւ Հայրապետաց

Ամենակալ եւ Տէր զօրութեանց, որ թագաւորդ եւ յաւիտենից: Որ նստիս յերկնից ի յերկինս եւ լոյս ծագես յարարածս քո: Որ խոնարհութեամբ իջեր ի յերկիր, քեզ պատարագս մատուցանեմք եւ սուրբ զանունդ քո փառաւորեմք Տէր, որ պսակիչդ եւ քոց սրբոց (այս անուն), վասն զի սոքա են մեզ բարեխօս, Տէր ամենակալ, ի քում յարքայութեանդ:

Սրկ. Համբարձէք իշխանք զդրունս ձեր ի վեր, համբարձին դրունք յաւիտենից, եւ մտցէ թագաւոր փառաց:

Քհնյ. Ո՞վ է սա թագաւոր փառաց, տէր հզօր

զօրութեամբ իւրով, տէր կարող ի պատերազմի:

Սրկ. Համբարձէք իշխանք զդրունս ձեր ի վեր, համբարձին դրունք յաւիտենից եւ մտցէ թագաւոր փառաց:

Քհնյ. Ո՞վ է սա թագաւոր փառաց տէր զօրութեանց:

Սրկ. Սա ինքն է թագաւոր փառաց:

Քհնյ. Օրհնեալ եկեալ անուամբ Տեառն:

Սրկ. Եւ եւս խաղաղութեան զՏէր աղաչ.:

Դպ. Տէր ողորմեա՛:

Սրկ. Եւ եւս հաւատով եւ սրբութեամբ կացուք յաղօթս առաջի սրբոյ սեղանոյս Աստուծոյ ահիւ: Մի՛ խղճիւ եւ գայթակցութեամբ, մի՛ նենգութեամբ, խորանակութեամբ, մի՛ պատրանօք եւ խարէութեամբ: Մի՛ երկմտութեամբ եւ թերահաւատութեամբ. այլ ուղիղ վարուք պարզ մտօք, միամիտ սրտիւ, կատարեալ հաւատով, լցեալ սիրով, լի եւ առաւելեալ ամենայն գործովք բարութեան: Կացցուք յաղօթս առաջի սրբոյ սեղանոյս Աստուծոյ. եւ գտցուք զողորմութեան զչնորհս: Յաւուր յայտնութեան եւ ի միւս անգամ գալստեան՝ Տեառն մերոյ եւ փրկչին Յիսուսի Քրիստոսի, կեցուցէ եւ ողորմեսցի:

Դպ. Կեցո՛ Տէր, եւ ողորմեա՛:

Սրկ. Օրհնեա՛ Տէր:

Քհնյ. Շնորհօք եւ մարդ.։ Խաղաղութիւն:

Դպ. Եւ ընդ հոգւոյդ քում:

Սրկ. Աստուծոյ երկրպագեսցուք:

Դպ. Առաջի քո Տէր:

Սրկ. Ողջոյն տուք միմեանց ի համբոյր սրբութեան եւ որք ոչ էք կարողք հաղորդիլ աստ-

ւածային խորհրդոյս, առ դրունս ելէք եւ աղօթեցէք:

Դպ. Քրիստոս ի մէջ մեր յայտնեցաւ, որ էնն Աստուած աստ բազմեցաւ:

Խաղաղութեան ձայն հնչեցաւ, սուրբ ողջունի հրաման տուաւ:

Եկեղեցիս մի անձ եղեւ համբոյրս քո լրման տուաւ:

Թշնամութիւնն հեռացաւ, սէրն յընդհանուրս սփռեցաւ:

Արդ՝ պաշտօնեայք, բարձրեալ զձայն տուք օրհնութիւն ի մի բերան, միասնական Աստուածութեանն, որում Սերովբէքն են սրբաբան:

Ռմանի եւ զայս ասեւ ի հանդիսի տօնի

Սրկ. Որք հաւատով կայք յանդիման, սուրբ Սեղանոյս արքայական, տեսէք բազմեալ զՔրիստոս արքայն եւ շուրջ պատեալ զօրք վերնական:

Դպ. Վեր համբառնամք զաչս ունելով, եւ պաղատիմք զայս ասելով, զմեղս մեր մի՛ յիշեցես, այլ գթութեամբ քո քաւեսցես, ընդ հրեշտակաց օրհնեն զքեզ եւ ընդ սրբոց քոց լեր փառք քեզ:

Սրկ. Ահիւ կացցուք, երկիւղիւ կացցուք, բարւոք կացցուք, եւ նայեցարուք զգուշութեամբ:

Դպ. Առ քեզ, Աստուած:

Սրկ. Պատարագ Քրիստոս մատչի անարատ գառն Աստուծոյ:

Դպ. Ողորմութիւն եւ խաղաղութիւն եւ պատարագ օրհնութեան:

Սրկ. Օրհնեա՛ Տէր:

Քհնյ. Շնորհք, սէր եւ աստուածային սէր:

Դպ. Ամէն, եւ ընդ հոգւոյդ քում:

Սրկ. Զգրուենա, զգրուենա, ամենայն իմաստութեամբ եւ զգուշութեամբ: Ի վեր ընծայեսցուցէք զմիտս ձեր աստուածային երկիւղիւ:

Դպ. Ունիմք առ քեզ, Տէր ամենակալ:

Սրկ. Եւ գոհացարուք զՏեառնէ բոլորով սրբաբաշտիւ:

Դպ. Արժան եւ իրաւ:

Սրկ. Օրհնեա՛ Տէր:

Քհնյ. Եւ ընդ Սերովբէսն եւ ընդ Քերովր:

(Իսկ ի հանդիսի առուրս, զկնի Արժան եւ Իրաւին զայս ասեն:)

Սրկ. Եւ զստոյգ փրկութեան՝ որ միշտ ընդ ամենայն տեղիս, գոհութիւն մատուցանեմք քեզ, Քրիստոս:

Դպ. Որով եւ զհրաշալի յարութիւնդ քո գովեն զօրութիւնք:

Սրկ. Սարսին սերովբէքն:

Դպ. Դողան քերովբէքն:

Սրկ. Եւ իշխանութիւնք վերին պետութեանցըն պար առեալ քաղցր ձայնիւ եղանակեն եւ ասեն.

Դպ. Սուրբ, սուրբ, սուրբ, Տէր զօրութեանց: Լի են երկինք եւ երկիր փառօք քո. օրհնութիւն ի բարձունս. օրհնեալ, որ եկիր եւ գալոցդ ես անւամբ Տեառն, ովսաննա ի բարձունս:

Սրկ. Օրհնեա՛ Տէր:

Քհնյ. Առէ՛ք, կերէ՛ք, այս է մարմին իմ:

Դպ. Ամէն:

Սրկ. Օրհնեա՛ Տէր:

Քհնյ. Արբէ՛ք ի սմանէ ամենեքեան:

Դպ. Ամէն: Հայր երկնաւոր, որ զՈրդիդ քո ետուր ի մահ վասն մեր, պարտապան պարտեաց

մերոց, հեղմամբ արեան Նորա աղաչեմք զքեզ,
ողորմեա՛ թո բանաւոր հօտի:

Արկ. Օրհնեա՛ Տէր:

Քհնյ. Եւ զքոյս ի քոյոց քեզ մատուցանեմ:

Դպ. Ամենայնի օրհնեալ ես, Տէր: Օրհնեմք
զՔեզ, գովեմք զՔեզ, գոհանամք զՔէն, աղա-
չեմք զՔեզ, Տէր Աստուած մեր:

Արկ. Օրհնեա՛ Տէր:

Քհնյ. Խաղաղութիւն ամենեցուն:

Դպ. Եւ ընդ հոգւոյդ քում:

Արկ. Աստուծոյ երկրպագեսցուք:

Դպ. Առաջի քո, Տէր: Որդի Աստուծոյ, որ
սպասարագեալ Հօր ի հաշտութիւն, հաց կենաց,
բաշխիս ի մեզ. հեղմամբ արեան քո սուրբ աղա-
չեմք զՔեզ, ողորմեա՛ արեամբ քով փրկեալ
հօտի:

Արկ. Օրհնեա՛ Տէր:

Քհնյ. Որպէս զի եղիցի սա ամենեցուն:

Դպ. Հոգի Աստուծոյ, որ զփառակցի Քո
զխորհուրդ, իջեալ ի յերկնից, կատարես ի ձեռս
մեր. հեղմամբ արեան սորա, աղաչեմք զՔեզ,
հանգո զհոգիս մեր ննջեցելոցն:

Արկ. Օրհնեա՛ Տէր:

Քհնյ. Ընդ որս եւ մեզ այց արասցես:

Դպ. Յիշեա, Տէր եւ ողորմեա:

Քհնյ. Աստուածածնին սրբոյ կուսին:

Դպ. Յիշեա, Տէր եւ ողորմեա:

Արկ. Առաքելոց սրբոց, մարգարէից, վար-
դապետաց, մարտիրոսաց եւ ամենայն հայրապե-
տաց սրբոց: Առաքելագործ եպիսկոպոսաց, երի-
ցանց, ուղղափառ սարկաւազաց, եւ ամենայն

սրբոց: Եղիցի յիշատակ ի սուրբ պատարագս աղաչեմք:

Դպ. Յիշեա, Տէր եւ ողորմեա:

Սրկ. Օրհնեալ, գովեալ եւ փառաւորեալ Հրաշալի եւ աստուածազարդ յարութեանն (կամ տէրութեանն) Քրիստոսի երկիրպագանեմք:

Դպ. Փառք յարութեան (կամ տէրութեան) քո, Տէր:

Սրկ. Առաջնորդացն մերոց եւ առաջին լուսաւորչացն՝ սրբոյ Թադէոսի եւ Բարթողիմէոսի առաքելոցն. եւ Գրիգորի Լուսաւորչին, Արիստակիսի, Վրթանէսի, Յուսկանն, Գրիգորիսի, Ներսեսի, Սահակայ, Դանիէլի եւ Խաղայ, Մեսրոպայ վարդապետին, եւ Գրիգորի Նարեկացւոյն, եւ Ներսեսի Կլայեցւոյն, Յովհաննու Որոտնեցւոյն, եւ Գրիգորի եւ Մովսէսի Տաթեւացեացն, եւ սրբոց Գրիգորիսեանց եւ Ներսիսեանց, Հովուացի եւ Հովուապետացն եւայլն:

Դպ. Յիշեա, Տէր եւ ողորմեա:

Սրկ. Միանձնացելոց սրբոց, առաքինասէր եւ աստուածուոյց կրօնաւորացն, Պօղոսի, Անտոնի, Պօղայ, Մակարայ, Ոնոփրիոսի, Աբբայ, Մարկոսի, Սրապիոնի, Նեղոսի, Արսէնի, Եւագրի, Պարսամայ, Յովհաննիսեանց եւ Սիմէոնեանց, սրբոց Ոսկեանց եւ Սուքիասեանց եւ ամենայն սրբոց Հարց եւ աշակերտելոց նոցին ընդ տիեզերս եղիցի յիշատակ ի սուրբ պատարագս աղաչեմք:

Դպ. Յիշեա, Տէր եւ ողորմեա:

Սրկ. Ընդհանուր ամենայն Հաւատացելոց, արանց եւ կանանց, ծերոց եւ տղայոց եւ ամենայն

չափու հասակի հաւատով եւ սրբութեամբ ի Քրիստոս ննջեցելոց, եղիցի յիշատակ ի սուրբ պատարագս աղաչեմք:

Դպ. Յիշեա, Տէր եւ ողորմեա:

Սրկ. Օրհնեա՛ Տէր:

Քհնյ. Եւ եւս առաւել զեպիսկոպոս:

Սրկ. Գոհութիւն եւ փառաբանութիւն մատուցանեմք քեզ Տէր Աստուած մեր, վասն սուրբ եւ անմահ պատարագիս որ ի վերայ սրբոյ սեղանոյս, զի սա մեզ ի սրբութիւն կենդանութեան պարգեւեացէ: Սովաւ շնորհեա, զսէր զհաստատութիւն եւ զղծալի զխաղաղութիւն ամենայն աշխարհի. սրբոյ եկեղեցւոյ եւ ամենայն ուղղափառ եպիսկոպոսաց եւ եպիսկոպոսապետին մերոյ եւ պատուական հայրապետին ամենայն հայոց տեառն (այս ական), եւ սրբոյ Երուսաղիմայ պատրիարք տեառն (այս ական), եւ Կոստանդնուպոլսոյ պատրիարք, տեառն (այս ական), եւ քահանայիս որ զպատարագս մատուցանէ, եւ վասրն զօրութեանց եւ յաղթութեանց թագաւորացն քրիստոնէից եւ իշխանացն բարեպաշտից: Աղաչեսցուք եւ խնդրեսցուք եւ վասն հոգւոցն հանգուցելոց: Եւս առաւել վասն հանգուցեալ բարունապետացն մերոց եւ շինողաց սուրբ եկեղեցւոյս, որք ընդ հովանեաւ սորին են հանգուցեալ: Աղատութիւն եղբարց մերոց գերելոց եւ շնորհ յառաջիկայ ժողովրդեանս, հանգիստ հաւատով եւ սրբութեամբ ի Քրիստոս կատարելոց, եղիցի յիշատակ ի սուրբ պատարագս աղաչեմք:

Դպ. Ըստ ամենայնի, եւ յաղագս ամենեցուն:

Սրկ. Օրհնեա՛ Տէր:

Քհնյ. Եւ եղիցի ողորմութիւն մեծիս Աստու-
ծոյ եւ փրկչին :

Դպ. Ամէն եւ ընդ հոգւոյդ քում :

Սրկ. Ամէն, եւ եւս խաաղութեան զՏէր աղ. :

Դպ. Տէր ողորմեա' :

Սրկ. Ամենայն սրբովք զորս յիշատակեցաք
եւս առաւելապէս զՏէր աղաչեսցուք :

Դպ. Տէր, ողորմեա' :

Սրկ. Վասն մատուցեալ սուրբ եւ աստուա-
ծային անմահ պատարագիս որ ի վերայ սրբոյ
սեղանոյս, զտէր աղաչեսցուք :

Դպ. Տէր, ողորմեա :

Սրկ. Որպէս զի տէր Աստուած մեր, ընկա-
լաւ զսա ի սուրբ երկնային եւ յիմանալի իւր մա-
տուցարան, զփոխանակն առաքեսցէ առ մեզ զչը-
նորհս եւ զպարգեւս Հոգւոյն սրբոյ զտէր աղաչես :

Դպ. Տէր, ողորմեա :

Սրկ. Ընկալ, կեցո եւ ողորմեա. եւ պահեա
զմեզ տէր քոյին շնորհիւ :

Դպ. Կեցո' տէր եւ ողորմեա :

Սրկ. Զամենասրբուհի զԱստուածածինն ըդ
միշտ կոյսն Մարիամ, հանդերձ ամենայն սրբովք
յիշելով զտէր աղաչեսցուք :

Դպ. Յիշեա', Տէր եւ ողորմեա :

Սրկ. Եւ եւս միաբան վասն ճշմարիտ :

Դպ. Տէր ողորմեա' :

Սրկ. Զանձինս մեր եւ զմիմեանս :

Դպ. Քեզ, Տեառնդ յանձն եղիցուք :

Սրկ. Ողորմեաց մեզ, Տէր Աստուած մեր :

Դպ. Տէր, ողորմեա', Տէր ողորմեա', Տէր ո. :

Սրկ. Օրհնեա', Տէր :

Քհնյ. Եւ տուր մեզ, եւ այլն:

Դպ. Հայր մեր որ յերկինս, սուրբ եղիցի անուն քո, եկեսցէ արքայութիւն քո, եղիցին կամք քո, որպէս յերկինս եւ յերկրի, զհաց մեր հանապազօրդ տուր մեզ այսօր, թող մեզ զպարտիս մեր, որպէս եւ մեք թողումք մերոց պարտապանաց, եւ մի՛ տանիր զմեզ ի փորձութիւն, այլ փրկեա ի չարէ:

Սրկ. Օրհնեա՛ Տէր:

Քհնյ. Զի քո է արքայութիւն: Խաղաղութ.:

Դպ. Եւ ընդ հոգւոյդ քում:

Սրկ. Աստուծոյ երկիրպագեսցուք:

Դպ. Առաջի քո տէր:

Սրկ. Օրհնեա՛, Տէր:

Քհնյ. Քրիստոսիւ Յիսուսիւ Տէրամբ:

Սրկ. Պոստիւմէ:

Քհնյ. Ի սրբութիւն սրբոց:

Դպ. Միայն սուրբ, միայն Տէր, Յիսուս Քրիստոս ի փառս Աստուծոյ Հօր. ամէն:

Սրկ. Օրհնեա՛, Տէր:

Քհնյ. Օրհնեալ, Հայր սուրբ Աստուած ճշմարիտ:

Դպ. Ամէն:

Սրկ. Օրհնեա, Տէր:

Քհնյ. Օրհնեալ, Որդիդ սուրբ Աստուած ճշմարիտ:

Դպ. Ամէն:

Քհնյ. Օրհնեալ, Հոգիդ սուրբ Աստուած ճշմարիտ:

Դպ. Ամէն:

Սրկ. Օրհնեա՛, Տէր:

Քհնյ. Օրհնութիւն եւ փառք Հօր եւ Որդւոյ
եւ Հոգւոյն Սրբոյ:

Դպ. Ամէն: Հայր սուրբ, Որդիդ սուրբ, Հո-
գիդ սուրբ: Օրհնութիւն Հօր եւ Որդւոյ եւ Սրբոյ
Հոգւոյն, այժմ եւ միշտ եւ յաւիտեանս յաւիտե-
նից. Ամէն:

Սրկ. Օրհնեա՛, Տէր:

Քհնյ. Ի սուրբ, ի սուրբ պատուական մար.:

Դպ. Տէր ողորմեա: (Չորիցս կրկնեա):

Սրկ. Տէր ողորմեա: (Չորիցս կրկնեա):

Դպ. Ամենասուրբ Երրորդութիւն, տուր աշ-
խարհիս խաղաղութիւն:

Սրկ. Եւ հիւանդաց բժշկութիւն, ազգիս Հա-
յոց ազատութիւն:

Դպ. Տէր ողորմեա, Տէր, ողորմեա, Յիսուս
փրկիչ մեզ ողորմեա:

Սրկ. Սուրբ, եւ անմահ Պատարագիս Միջ-
նորդութեամբ:

Դպ. Ընկալ, Տէր, եւ ողորմեա:

Սրկ. Սաղմոս ասացէք Տեառն Աստուծոյ մե-
րում, դպիրք, ձայնիւ քաղցրութեամբ զերգս Հո-
գեւորս: Զի սմա վայելեն սաղմոսք եւ օրհնու-
թիւնք, ալէլուք եւ երգք Հոգեւորք: Պաշտօն-
եայք, հանդերձ երգովք սաղմոս ասացէք եւ զՏէր
յերկինս օրհնեցէք:

Դպ. Օրհնեալ է Աստուած. Քրիստոս պատա-
րագեալ բաշխի ի միջի մերում. ալէլուիա:

Զմարմին իւր տայ մեզ կերակուր եւ սուրբ
զարիւն իւր ցօղէ ի մեզ, Ալէլուիա:

Մատիք առ Տէր եւ առէք զլոյս, ալէլուիա:

Ճաշակեցէք եւ տեսէք զի քաղցր է տէր, ալէ.:

Օրհնեցէք զտէր ի յերկինս, ալէլուիա:

Օրհնեցէք զնա ի բարձունս, ալէլուիա:

Օրհնեցէք զնա ամենայն հրեշտակք նորա,
ալէլուիա:

Օրհնեցէք զնա, ամենայն զօրութիւնք նորա,
ալէլուիա:

Սրկ. Երկիւղիւ եւ հաւատով յառաջ մատիք
եւ սրբութեամբ հաղորդեցարուք:

Դպ. Աստուած մեր եւ տէր մեր, երեւեցաւ
մեզ, օրհնեալ եկեալ անուամբ Տեառն:

Քհնյ. Կեցո, Տէր, զթողովուրդս քո, եւ օրհ-
նեա զթառանգութիւնս:

Դպ. Լցաք ի բարութեանց քոց, Տէր, ճաշա-
կելով զմարմին քո եւ զարիւն, փառք ի բարձունս
կերակրողիդ զմեզ: Որ եւ հանապաղ կերակրես
զմեզ, առաքեա ի մեզ զհոգեւոր քո զօրհնութիւն,
փառք ի բարձունս կերակրողիդ զմեզ:

Սրկ. Ամէն, եւ եւս խաղաղութիւն զՏէր աղ.:

Դպ. Տէր ողորմեա:

Սրկ. Եւ եւս հաւատով ընկալեալք յաստուա-
ծային սուրբ երկնային անմահ անարատ եւ անա-
պական խորհրդոյս զՏեառնէ գոհացարուք:

Դպ. Գոհանամք զքէն, Տէր, որ կերակրեցեր
զմեզ յանմահական սեղանոյ քոյ. բաշխելով
զմարմինդ եւ զարիւնդ ի փրկութիւն աշխարհի,
եւ կեանք անձանց մերոց:

Սրկ. Օրհնեա', Տէր:

Քհնյ. Որ օրհնես զայնոսիկ, ոյք օրհնեն ըզ-
քեզ, Տէր, եւ սուրբ առնես զյուսացեալս ի քեզ:

Դպ. Օրհնեալ է Աստուած:

Քհնյ. Կեցո, զթողովուրդս քո:

Դպ. Ամէն:

Քհնյ. Սրբեա զնոսա ոյք ողջունեցին:

Դպ. Ամէն:

Քհնյ. Զխաղաղութիւն պարգեւեա:

Դպ. Ամէն:

Քհնյ. Զի ամենայն տուրք բարիք եւ:

Դպ. Եղիցի անուն Տեառն օրհնեալ յայսմ հե-
տէ մինչեւ յաւիտեան: (Երիցս կրկնեա):

Քհնյ. Կատարումն օրինաց եւ մարգարէից:

Սրկ. Օրթի:

(Աւետարան՝ ի սկզբանե կր Բանն)

Սրկ. Փառք քեզ, Տէր Աստուած մեր. Սուրբ
խաչիւս աղաչես:

Քհնյ. Պահպանիչ եւ յոյս հաւատացելոց:

Սրկ. Օրհնեցից զՏէր յամենայն ժամ:

Քհնյ. Օրհնեալք եղերուք ի շնորհաց սուրբ
Հոգւոյն, երթայք խաղաղութեամբ. եւ Տէր ե-
ղիցի:

ԿԱՆՈՆ ԽԱԶԱՀԱՆԳՍԻ

Զօրութիւն սուրբ խաչի քո Քրիստոս, որ
կանգնեցեր ի փրկութիւն աշխարհի, սա պահես-
ցէ զմեզ յամենայն փորձութենէ:

Քանզի ի սմա բարձրացար Աստուած, եւ ի
սմա հեղեր զպատուական սուրբ զարիւնդ, սա
պահեսցէ զմեզ:

Եւ զքո միւսանգամ զգալուստդ նշանաւ խաչի
քո ցուցեր աշխարհի, սա պահեսցէ:

Աստուած մարդասէր, որ զմաքսաւորն ար-
դարացուցեր. քաւեա զիս զմեղաւորս:

Որ քղանցիւ հանդերձի քո զմերձեցեալն թ-
քեզ բժշկեցեր. քաւեա:

Որ զանազան վիրօք մեղաց հարաք Հոգիս ի
թշնամւոյն. եւ ի բազմապատիկ հիւանդութիւնս
կարօտացաք մարդասիրիդ բառնալոյ զցաւս մեր.
վասն որոյ բժշկեա զմեզ Քրիստոս, որպէս մար-
դասէր:

Որ եկիր ի փրկութիւն մարդկան ծննդեամբ
կուսին Մարիամու. եւ կենդանարար քո յարու-
թեամբդ. հրաւիրեցեր զմահացեալքս եւ յարու-
թիւն անմահութեան, վասն որոյ աղաչանօք մօր
քո կեցո զմեզ Փրկիչ:

Փառք Հօր եւ որդւոյ եւ Հոգւոյն սրբոյ:

Առ քեզ ապաւինիմք, Ամենասրբունի. գերա-
դոյն եւ հրաշալի եւ բաշխող բարութեանց. աղ-
բիւր ես ծարաւեաց եւ հանգիստ աշխատելոց. եւ
եղեր վերընկալ աստուածային բանին:

Այժմ եւ միշտ եւ յաւիտեան:

Քհնյ. Սրբեա՛, տէր, զմեղուցեալ քոց ծառա-

յից զգայարանս, եւ շնորհեա՛ տեսանել զքեզ, եւ լսել զհայրական զձայն, եթէ դա է որդի իմ սիրելի:

Դպ. Ամէն ալէլուիա, ալէլուիա, ալէլուիա:

Քհնյ. Օրհնեսցի եւ սրբրեսցի ջուրս այս նշանաւ: (Երիցս կրկնեա):

Դպ. Ամէն:

Քհնյ. Օրհնութիւն եւ փառք:

Դպ. Տաճար են սուրբ Հոգւոյն, կենդանի ոսկերք սոցա հիւանդաց բժիշկ, աղաչեսցուք զտէր սոքօք խնայեա ի մեզ:

Սոքա են դեղ կենաց, պարգեւեալ մեզ ի Քրիստոսէ ի բժշկութիւն, պատուական սուրբ արեամբն իւրեանց:

Սա է կարապետ յաւուր գալստեան փրկչին, եւ պսակ պարծանաց հաւատացելոց եւ սովաւ, յաղթեսցուք յանօրէն թշնամւոյն:

Սրկ. Վասն հիւանդաց:

Քհնյ. Փարատեա:

Սրկ. Սուրբ խաչիւս աղա.:

Քհնյ. Պահպանիչ:

Սրկ. Օրհնեցից:

— . —

ԵՐԳ ԿԻՐԱԿԱՄՏԻՑ

Ալէլուիա, ալէլուիա: Լոյս զուարթ սուրբ փառաց անմահի, Հօր երկնաւորի սրբոյ կենարարի Յիսուս Քրիստոս: Եկեալքս ի մտանել արագականն. տեսաք զլոյս երեկոյիս: Օրհնեմք զՀայր եւ զՈրդի եւ զսուրբ Հոգիդ Աստուծոյ:

Եւ ամենեքեան ասեմք. ամէն : Արժանաւորեա
ղմեղ յամենայն ժամ, օրհնել ձայնիւ երգով զա-
նուն փառաց ամենասուրբ Երրորդութեանն : Որ
տայ զկենդանութիւն վասն որոյ եւ աշխարհս
զքեղ փառաւորէ :

— . —

ՇԱՐԱԿԱՆ ԿԻՐԱԿԱՄՏԻ

Աձ. Սուրբ եւ Տէր զօրութեանց, որ բնակեա-
լըդ ես ի յերկինս, եւ բարերանիս ի սրբոց քոց :
Երկնային զօրութիւնք սերովբէք եւ քերովբէք,
անդադար օրհնեն սուրբ զանունդ քո : Քահանայք
ընդ նոսին պաշտօնեայք եւ ժողովուրդք երկրպա-
գեսցուք տէրութեանդ քո : Լոյսդ որ յառաջ քան
յաւիտեանս ի Հօրէ առաքեցար, եւ լուսով իմա-
նալեալ լցեր զարարածս. օրհնեալ ես, թագաւոր
յաւիտենից : Որ զլոյսն ի սկզբանէ հաստատեցեր
վերստին եւ զխաւարն անգիտութեան յարու-
թեամբդ քո հալածեցեր, Օրհնեալ : Ուստի եւ մեք
լուսաւորեալքս ընդ լուսեղէն զուարթնոցն, եր-
գեսցուք ցնծութեամբ ի յարութեան երեկոյիս,
օրհնեալ ես թագաւոր յաւիտենից : Երկնաքա-
ղաքացին Յովհաննէս մեծ ի ծնունդս կանանց
քարոզէր յանապատի ազդարարող բարրառովն
զծագումն լուսոյ արեգականն արդարութեան :
Ճշմարիտ մարգարէ եւ ձեռնադրող Որդւոյն Աս-
տուծոյ, յառաջնթաց Կարապետ եւ պատմող աս-
տուածային օրինացն, հարթէր ճանապարհս թա-
գաւորին յաւիտենից : Յանօրէն գինարբուսն մո-
լեգնեալ Հերովդիադայ, ի պարգեւի մասին

խնդրէր զգլուխ մարգարէին. շիջուցանել զարուսեակն եւ զանաղօտ լապտերն:

Փառք Հօր եւ Որդւոյ եւ:

Սրբուհւոյ Աստուածածնին բարեխօսութեամբ պարգեւեա երկրպագուացս ամենասուրբ Երրորդութեանդ, զյարութիւն յուսոյ կենացն յաւիտենից:

Այժմ եւ միշտ եւ յաւիտեանս:

Զհաւատացեալ ժողովուրդս սուրբ Երրորդութեանդ, եւ զապաւինեալս ի խորան փառաց քոց, պահեա անխռով ի խաղաղութեան:

— . —

ՊԱՇՏՕՆ ՆՆԶԵՑԵԼՈՑ ՇԱՐԱԿԱՆ

Դկ. Որ յանէից ստեղծող գոյից արարչակից Հօր բանդ Աստուած, Թողութիւն շնորհեա նընջեցելոց քոց ծառայից, յորժամ գաս դատել զոր անարատ ձեռօք ստեղծեր: Որ ի Հօրէ առաքեցար եւ մարմնացար ի սուրբ կուսէն. Թողութիւն շնորհ: Որ ի խաչին անշնչացար, զմահու լուծեր զիշխանութիւն. Թողու: Որ պսակիչդ ես քոց սրբոց, եւ անվախճան բարեաց բաշխող. Թողութիւն շնորհ.:

Դձ. Անըսկիզբն Աստուած, սկիզբն արարչութեան, ի հողոյ ստեղծեր ըզմարդն առաջին, գործել եւ պահել յանպատում ի կեանս. իսկ ի ստընդանել հրամանի քո, Տէր, զվճիռ մահու ի վերայ եղեալ, հող էիր անդրէն եւ ի հող դարձցիս, եւ այժմ աղաչեմք զստեղծողդ ամենից, բնկալ եւ հանգո զհրաժարեալ հոգիս յեօթնաստեղեան լուսեղէն խորանս, ուր ժողովքն են սրբոցն ի խաղա-

դուլթեան. հոգւով հեզուլթեամբ յերկնից բարու-
թիւնսն: Ոսկի եղեալսն անպիտանացայ, գեղեց-
կայարմար շինուածոյս քակտումն, իմաստունս
յիմարեցայ, ի յալեաց մեղաց յոր ընկղմեցայ.)
եւ այժմ: Կոչողն եհաս, վերին կոչողին, կոչնա-
տէրն ահեղ, կոչողն ահաւոր, դատաւորն անա-
չառ, դատաստանն արդար, հրեշտակք անողորմք
դատեն զմեղաւորս. եւ այժմ աղաչեմ:

ԵՐԳ

Փառաց ի փառս բարձրանան, աջակողմեան-
քնն վերանան, յորժամ լըսեն զերանական ձայն
օրհնութեան ի քէն կոչման, ննջեցելոյս մեր լը-
սեցո զԱստուածային բառբառըդ քո, դասաւորեա
զսա վերնոցն երգել զփառս ընդ զուարթնոցն:

Քահանայք եւ ժողովուրդք հայցեմք ի քէն
Տէր բարեգութ, ընդ ննջեցեալսն հաւատով, ըն-
կալ զմեզ նովին յուսով: յԵրուսաղէմ քաղաք վե-
րին յորում արդարքն ժողովին, ի փառս վերերգել
միշտ ընդ նոսին Երրորդութեանդ երրեակ անձին:

Ի վերին Երուսաղէմ ի բնակարանս հրեշտա-
կաց, ուր Ենովք եւ Եղիաս կան ծերացեալ աղաւ-
նակերպ, ի դրախտին եղեմական պայծառացեալ
արժանապէս, ողորմած Տէր ողորմեա, հոգւոցն
մեր ննջեցելոց:

Ահեղ խորհուրդ քահանային, բազկատարած
կայ ի բեմին, առաջի սուրբ սեղանոյն, հուր շի-
ջանի, խաւար մերժի, տրտմեալ հոգիքն ուրա-
խանան, զի Թողութիւն մեղաց լինի, ողորմած
Տէր:

ՇԱՐԱԿԱՆՔ Ս. ԾՆՆԴԵԱՆ

— . —

ՕՐՀՆՈՒԹԻՒՆ ԾՆՆԴԵԱՆ

Դկ. Խորհուրդ մե՛ծ եւ սքանչելի՛ որ յա՛յամ
աւուր յայտնեցաւ.

Հովիւքն երգեն ընդ հրե՛ շտա՛կս, տան ա՛ւետիս
աշխարհի՛ :

Ծնաւ նոր արքա՛յ ի Բե՛թլեհեմ քաղաքի.

Որդիք մարդկան օրհնե՛ցէ՛ք, զի վա՛սըն մեր
մարմնացաւ :

Անբաւելին երկնի եւ երկրի՛ ի խանձարուրս
պատեցաւ.

Ոչ մեկնելով ի Հօրէ, ի սո՛ւրբ այրին բաղմեցաւ :

Այսօր ցնծան երկինք ի վերուստ մեծա՛պայծառ
աւետօք.

Եւ արարածք ամենայն զգեցան Հանդերձ
փրկութեան :

Այսօր յայրին ընծայեցաւ Քրիստոս Որդին
Աստուծոյ.

Եւ հրեղինաց բաղմութիւնքն, յերկնից յերկիր
վայր իջեալ :

Այսօր հովուացն տեսեալ զարդարութեան արե-
գակն.

Եւ ընդ հրեշտակս երգէին փառք ի բարձունս
Աստուծոյ :

Ի հօրէ ծագեցար լուսաւորել զարարածս.

Արդարութեան արեգական տէր փառք քեզ :

Ծընար ի յայրին ընծայեցար Բեթլեհեմ.

Արդարութեան արեգակն՝ :

Հովուաց յայտնեցար երկրպագեալդ ի մոգուցն:

Արդարութեան արեգակն¹¹:

Եւ մեք երգեսցուք ի կուսէն մարմնացար.

Արդարութեան արեգակն¹¹:

ՀԱՐՑ ԾՆՆԴԵԱՆ

Գձ. Անբակիդրն էակից բանըդ Հօր. որ էիր յառաջ քան զյաւիտեանս, եւ եկիր ի փրկութիւն ստեղծուածոց քոց, ըզքեզ օրհնեմք Աստուած հարցն մերոց:

Ծընար ի կուսէ անճառ միութիւն. անբաժանելի եւ միշտ դոյլով ոչ մեկնեցար ի հայրական ծոցոյ. ըզքեզ օրհն.

Ցնծութեամբ տօնեսցուք ըզծնունդ քո սուրբ, որ յատնեցար մեզ լոյս ի լուսոյ, եւ լուսով քո լըցեր՝ զախեղերս. ըզքեզ օրհն.

Օրհնեցէք, ամենայն գործըք տեառն, զտէր օրհնեցէք, եւ բարձր արարէք ըզնա յաւիտեան:

Ըզծնեալն ի սրբոյ կուսէն օրհնեցէք եւ բարձր արարէք զնա յաւիտեան:

Զանճառելի ըզծնունդ Փրկչին դովեցէք եւ առաւել բարձր արարէք զնա յաւիտեան:

Ի ԹԱՓՈՐԻՆ

Այսօր տօն է սուրբ ծննդեան. աւետիս:

Տեառն մերոյ եւ յայտնութեան. աւետիս:

Ծնաւ, երեւ զանմահ արքայն. աւետիս:

Այսօր արեւն արդարութեան. աւետիս:

Երեւեցաւ ի մէջ մարդկան. աւետիս:

Այսօր սուրբ կոյսն անասական. աւետիս:

Այսօր հրեշտակք յերկնից. աւետիս:

Ընդ մեզ օրհնեն զանմահ արքայն. աւետիս:

ՀԱՇՈՒ ՇԱՐԱԿԱՆ ՀՐԱԳԱԼՈՅՍԻ ԵՐԵԿՈՅԵԱՆ

Մեծացուցի ԳԶ.

Սուրբ զԱստուածածինն օրհնութեամբ մեծացուցանեմք:

Աւետաւոր հրեշտակն աւետարանէր ըզծնեալ Փրկիչն ի սրբոյ կուսէն:

Փառք Հօր: Այժմ եւ միշտ:

Ասէ ուրախ լեր բերկրեալդ. քանզի Տէր տե՛րանց է ընդ քեզ:

— . —

ՀԱՇՈՒ ՇԱՐԱԿԱՆ ԾՆՆԴԵԱՆ

Մեծացուցի ԳԶ.

Զանճառելի լուսոյ մայր, եւ զբնակարան անսկզբնակից որդւոյն, օրհնութեամբ մեծացուցանեմք:

Զանհաս տնօրէնութեան մայր, եւ զանձնաւոր տաճար Աստուծոյ բանին, օրհնութեամբ մեծացուցանեմք:

Փառք Հօր: Այժմ եւ միշտ:

Զբոլորից փրկութեան մայր, որ զանտանելին յէից ի յարգանդի ի բարձ, զնա ամենեքեան օրհնութեամբ մեծացուցանեմք:

— . —

ԵՐԳ

Ո՛վ զարմանալի, խորհուրդ այս մեծ յայտնեալ: Արարիչն Աստուած ի Յորդանան եկեալ:

Կամէր մկրտիլ ի ծառայէ իւրմէ, Զառնոյր Կարապետն ըզմկրտելն ի յանձն:

Անդրապատիկ արարողություն
 Կույսի

Յորդան

Վտակ առ վե

Գետ մի'

Եկեալ մկրտ

Յիսուս ա

բըն Հանդերձ

Երկինք

Սուրբ Հոր ի

Սուրբ Հ

Յայտնեալ ցո

1 հայր

2 անդ և քան 17

3 Յիսուս 25

4 Յարթապետ 29

5 Կառուց 35

6 Յիսուս 39

7 Կառուց 65

8 Կառուց 79

9 Կառուց 110

10 Կառուց 193

11 Կառուց 215

12 Կառուց 221

13 Կառուց 275

14 Կառուց 287

15 Կառուց 300

16 Կառուց 311

17 Կառուց 313

18 Կառուց 330

19 Կառուց

20 Կառուց

21 Կառուց

22 Կառուց

23 Կառուց

24 Կառուց

Այսօր ձու

ճոյական սիր

գետ յորդորէ

երգէ. մեծ Կ

լուիս, ալէլու

Առաքելո

հնչմամբ ի բա

ման հրազինե

դեռ նստէին ի

Աննիւթա

գիտորս Աստու

ղահաւոր եւ դ

ղեցին համազ

Օրհնութի

Հողույն սրբո

մահական բաժ

յերկինս:

21 Կառուց

22 Կառուց

23 Կառուց

24 Կառուց

ՄԵԾ ՊԱՆՈՑ ԵՒ ԱՐԵՒԱԳԱԼԻ ԵՐԳԵՑՈՂՈՒԹԻՒՆ

— . —

ԱՐԵՒԱԳԱԼԻ ԿԱՐԳ

Նախ՝ Եղիցի անուն տեառն օրհնեալ

ԵՐԳ.

Յարեւելից մինչ ի մուտս, ի հիւսիսոյ եւ ի հարաւոյ, ամենայն ազգ եւ ազինք, յօրհնութիւն նոր օրհնեցէք զարարիչն արարածոց, որ ծագեաց զլոյս արեգականն այսօր յաշխարհս:

Եկեղեցիք արդարոց, փառաբանիչք ամենասուրբ երրորդութեանն, յառաւօտըս լուսոյ զառաւօտ խաղաղութեան Քրիստոս գովեցէք ընդ հօր եւ հոգւոյն, որ ծագեաց ըզլոյս գիտութեան իւրոյ ի մեզ:

— . —

ՅՈՐԴՈՐԱԿ

Յարեւելից յարեամուտս մանկունք Սիօնի, օրհնեցէք միշտ անդադար զծագողըն լուսոյ:

Եկեղեցիք արդարոց եւ փառաբանիչք, բարեբանեցէք որ ետ զիմաստըն լուսոյ:

Քարոզ, Աղօթք եւ փոխ՝

Աղաղակեցէք առ տէր ամենայն երկիր, ծառայեցէք տեառն ուրախութեամբ:

Մտէք առաջի նորա ցնծութեամբ եւն.:

— . —

ԵՐԳ

Ճըզնաւորք Աստուծոյ, եւ ժառանգորդք երկնից արքայութեանն, որք փախանակեալք զանցաւորս առիք զանանցըն բարութիւնսն. բարեխօսեցէք առ Տէր վասն մանկանց եկեղեցւոյ:

Նահատակք պանծալիք եւ սիրեցեալք ի յերկնաւոր Հօրէն, որք մըկըրաւցայք ընդ Քրիստոսի արեամբ ձերով ի մահ խաչին. բարե.:

Մարտիրոսք ցանկալիք, եւ օթեւմանք Հոգւոյն ճշմարտութեան, որք յաղթեցիք Հոգւով կարեաց եւ ցանկութեան. բարե.:

Գովելիք աշխարհի, եւ բաղձալիք վերնոցըն պետութեանց. որք երանութեան մասին Հասիք քան զամենայն որդիս մարդկան. բարե.:

Կամաւոր պատարագք՝ մանկունք տիօք եւ կատարեալք իմաստութեամբ. որք փոխանակ կաթին արբիք զգինին զմայլեցուցիչ. բարե.:

ՅՈՐԴՈՐԱԿ

Ճըզնաւորք ճըշմարիտք վըկայք Քրիստոսի. բարեխօսեցէք առ Տէր վասն անձանց մերոց:

Նահատակք կենդանիք սիրողք Քրիստոսի, որք Հարչարեցայք մարմնով վասն անուանըն Տեառն:

Մարտիրոսք ցանկալիք մարդկան բղձալիք, Հայեցէք ի սուրբ Հոգւոյն տալ մեզ ըզբարիս:

Գովելիք վերնոց դասուց, պարծանք աշխարհի. խընդրեցէք զխաղաղութիւն տալ եկեղեցւոյ:

Կամաւոր սուրբ պատարագք Հասակաւ մանկունք. Հայեցէք լինիլ եւ մեզ՝ ձեզ պըսակակից:

Մաղթանի՛, Քարոզ, Աղօթք եւ Փոխ՝
Աստուած Աստուած իմ, ես առ քեզ առաւօտ
առնեմ, ծարաւեաց առ քեզ հոգի իմ, քանիպատիկ
եւս եւ մարմինն իմ. եւլին. :

— . —

ԵՐԳ

Լոյս, արարիչ լուսոյ առաջին լոյս. բնակեա-
լըդ ի լոյս յանմատոյց, Հայր երկնաւոր ի դասուց
լուսեղինացն օրհնեալ. ի ծագել լուսոյ առաւօ-
տուս, ծագեա ի հոգիս մեր ըզլոյս քո իմանալի :

Լոյս, ի լուսոյ ծագումն արեգակն արդար,
անճառ ծընունդ հօր որդի. յառաջ քան զարեւ ա-
նուն քո գովեալ ընդ հօր. ի ծա. :

Լոյս, ի հօրէ ըզխումն աղբիւր բարութեան,
հոգիդ սուրբ Աստուծոյ. մանկունք եկեղեցւոյ
ընդ հրեշտակս զքեզ բարեբանեն. ի ծա. :

Լոյս, երբեակ եւ մի անբաժանելի սուրբ եր-
րորդութեան, զքեզ ընդ երկնայնոցն երկրածինքս
միշտ փառաւորեմք, ի ծա. :

— . —

ՅՈՐԴՈՐԱԿ

Անեղանելիդ Աստուած Հայր ամենակալ. ըն-
կալ զաղաչանքս մեր քոց պաշտօնէից :

Ի հօրէ ծագումն անճառ, արեգակն արդար,
ծագեա ի յանձինքս մեր զլոյսդ ողորմութեան :

Ի հօրէ բրդխեալ հոգի, աղբիւր բարութեան.
լուսով քով լըցո ըզմեզ յայսմ առաւօտուս :

Երեք անձինք եւ մի բնութիւն, մի աստուա-

ծութիւն, զքեզ խոստովանիմք յաւէտ սուրբ Եր-
րորդութիւն:

Մաղթանք, Քարոզ, Աղօթք եւ Փոխ՝

Տէր հովուեսցէ զիս, եւ ինձ ինչ ոչ պակասեա-
ցի:

Ի վայրի դալարւոյ՝ անդ բնակեցոյց զիս,
եւն.:

— . —

ԵՐԳ.

Ճանապարհ, եւ ճամարտութիւն, եւ կեանք
Քրիստոս. առաջնորդեա հոգւոց մերոց, յերկրէ
եւանել յերկինս:

Դուռըն կենաց մըտից Յիսուս, մոյծ եւ ըզմեզ
առ հայր քո եւ հոգի, երգել միշտ ըզփառս:

— . —

ՅՈՐԴՈՐԱԿ

Ճանապարհ բարի Քրիստոս եւ ճըշմարտու-
թիւն, առաջնորդ հոգւոց մերոց յերկրէ ի յեր-
կինս:

Դուռըն կենաց մըտից Յիսուս, Աստուած
ճըշմարիտ, մոյծ եւ զմեզ առ հայրըդ քո, հոգ-
ւովըդ Սրբով:

Մաղթանք, քարոզ, աղօթք եւ ապա՝

Տէր Ամենակալ, քարոզ եւ աղօթք

Շարական, եւ յետոյ՝ Տէր ողորմեա ողբաձայն

Մաղթանք, քարոզ, աղօթք:

— . —

ՇԱՐԱԿԱՆ ԾԱՂԿԱԶԱՐԴԻ

— . —

Աձ. Որ վերօրհնիս յաթոռս քերովբէից, ի վերայ նստիլ յաւանակի հաճեցար, բարեբանեալ որ եկիրդ ի կեցուցանել:

Ուստի եւ մեք զյաղթական օրհնութեանցն զձայն մատուցանեմք քեզ թաղաւոր փառաց՝ ընդ տղայսն օրհնաբանելով, բարեբանեալ որ եկիրդ ի կեցուցանել:

Ովսաննա ի բարձունս՝ ալէլուիա, բարեբանեալ եկեալ անուամբ Տեառն՝ ալէլուիա, եւ օրհնութիւն որ դալոցդ ես անուամբ Տեառն, ալէ.:

Այսօր զԱնսկիզբն Բանն՝ որ յաթոռ փառաց ընդ Հօր՝ յերկրի երեւեալ տեսաք, քրօքէական ձայնիւ օրհնեսցուք, օրհնեալ եկեալ անուամբ Տեառն:

Այսօր գոլով ի Բեթանիա, քո ամենազօր հրամանաւդ, ձայնեցեր Ղազարու եւ դողացաւ մահ, դժոխք պարտեցաւ ապականութիւն լուծաւ, կենդանարար Քրիստոս կեցո զմեզ: Այսօր գոլով ի Բեթանիա, զքո զաշարհակեցոյց սուրբ զյարութիւնդ, յառաջագոյն ծանուցեր անապականաբար կոչմամբ զչորեքորեայն ի թաղմանէ, կենդանարար¹¹: Այսօր գոլով ի Բեթանիա Նբրայեցւոց մանկունքն սքանչացեալ ասէին, զՄարիամու զեղբայրն ի թաղմանէ յարուցեալ որդւոյն Մարիամու, կենդանարար¹¹:

Կենդանութեանց բաշխող Քրիստոս, ի Բեթանիա եկաւորեալ այսօր, բարեկամին Ղազարու պարգեւէ զկենդանութիւն: Տնօրինարար ար-

տասուելով ընդ Մարթայի եւ ընդ Մարիամու,
ողբակցէր եւ որպէս մարդ հարցանէր ուր եղիք
զ՛լազարոս: Եւ որպէս զԱստուած բարբառով յա-
րուցանէ ի մեռելոց զչորեքորեայն, եւ զուգըն-
թաց ձայնիւ մեռեալն եկն արտաքս անապական:

— . —
ԳԱՆՁ

Այս խորհուրդ լցաւ, անդ գուշակեցաւ, աստ
կատարեցաւ:

Աստուած մարդացաւ, ընդ օրինօք մտաւ,
քահանայացաւ:

Այսօր վերացաւ, վերնատուն նստաւ, եւ գա-
ռըն կերաւ:

Հին օրէնքն անցաւ, զի դիրն լցաւ, եւ նորս
սկսաւ:

Տէր քոյին շնորհաւ, լուա զմեզ բազկաւ, ար-
բո բաժակաւ:

Ահա ազատեա զմեզ ի մեղաց, քաւիչ յանցա-
նաց, աղաչեմք:

Լուր Տէր եւ ողորմեա:

Սիրտ իմ սասանի, սարսափ դիս ունի, վասն
Յուդայի:

Որ Տէրն ամենի, նմա առաջի, ի ծունկս ան-
կանի:

Նա ոչ ամաչէ, եւ ոչ զարհուրի, սիրողն ար-
ծաթի:

Նոր սեղան դնի, եւ հաց բաղարջի, լ'անա-
պակ գինի:

Տէր իմ արժանի, արա զմեզ հացի, քո սուրբ
սեղանի:

Ահա ազատեա զմեզ ի մեղաց, քաւիչ յանցանաց, աղաչեմք:

Լուր Տէր եւ ողորմեա:

Խոնարհիլ սլարտին, իւր յանցաւորին, ըստ օրինաց Փրկչին:

Որք որ փափաքին, ուտել զայն մարմին, ուրով սրբեացին:

Թողուլ կամովին, զյանցանս ի սրտին, զեթանասնեկին:

Իսկ որ ստամբակին, եղեալ օրինին, որ Աստուածային:

Իսկ Աստուածային, բնաւ ոչ սահմանին, մեր բազմողորմին:

Ահա ազատեա զմեզ ի մեղաց, քաւիչ յանցանաց, աղաչեմք:

Լուր Տէր եւ ողորմեա:

Աստուած ամենի, Միածին Որդի, կամաւ Հօր հոգւոյն ճշմարտի, յերկիր խոնարհի:

Սիրով անքրննին, լոյս անմատչելին, զենջաղ սփածեալ զի ծածկեր զմերկութիւն նախկին:

Տէրն հրեղինաց, հրանիւթից զօրաց, խոնարհեալ ի ծունկս լուանայ զոտս հոգեղինաց:

Նիւթական ջրով, տարրական նիւթով մեզ նոր սլատուիրան աւանդեալ զմեզս մաքրելով:

Ասաց Պետրոսին, հաւատայ վիմին, ե՛կ զի լուացից զոտս քո յընթացից չարին:

Յնծացուք հոգւով, զնոյն ճաշակելով, փառք Հօրն տացուք եւ հոգւոյն Միածնի մարմնով:

Խաչի քո Քրիստոս երկիրպազանեմք, եւ ըզսուրբ մատնութիւնդ քո մեծացուցանեմք, եւ ըզ

ԱԻԱԳ ՈՒՐԲԱԹ ԵՐԵԿՈՅ

ՀԱՆԴԷՍ ԹԱՂՄԱՆ ՔՐԻՍՏՈՍԻ ԱՍՏՈՒԾՈՅ ՀԱՄԲԱՐՁԻ ԴՁ. ՍՏ.

Եկայք հաւատացեալք երկրպագեսցուք սուրբ
Երրորդութեանն, լոյսն որ ընդ հօր էութեան, ի
քահանայից դատապարտեալ եկեալ ի խաչ ելա-
նել, անըմահ թաղաւորն:

Ձոր երկինք ոչ բաւէին տանել, զփայտ պա-
տուհասի ուսով բարձեալ, եւ եկեալ ի տեղի կա-
ռափրման, ի խաչ ելանել, անըմահ:

Հիացեալ պետութեանց երկնից, ընդ թաղու-
մըն Տեառն ի նոր գերեզմանի, քանզի որ անմահն
է յէութեան, վասն արարածոց փրկութեան ըզ-
մահ ճաշակեաց, անըմահ:

ՇԱՐԱԿԱՆ ԹԱՂՄԱՆ ԹԱՓՈՐԻՆ

Բձ. Պարգեւատուն ամենեցուն, այսօր խնդրի
պարգեւ ի Պիղատոսէ, եւ արկողն ըզլոյս որպէս
զօթոց հաւանի պատիլ ի Յովսեփայ:

Կենդանատուն ամենեցուն այսօր, դընի ի նոր
գերեզմանի, եւ գանձն անմահութեան կընքի մա-
տանեաւ քահանայիցն:

Արարածոց փրկութիւն Քրիստոս այսօր, ե-
ղաւ ի նորափոր վիմի, զոր օրհնեն զօրք երկնից
երգով պահպանի ի զինուորացն:

ՇԱՐԱԿԱՆ ԽԹՄԱՆ ԵՐԵԿՈՅԵԱՆ

Գձ. Լուսաւորեալ Երուսաղէմ զի հասեալ է լոյս քո, զարդարեա զամուրս քո, եւ փառք Տեառն ի վերայ քո ծագեացի:

Օրհներգութեամբ սաղմոսիւք քեզ վայելէ Աստուած օրհնութիւն ի Սիրովնէ, եւ քեզ մատուցին աղօթք յԵրուսաղէմ:

Գովեա Երուսաղէմ ըզտէր, եւ օրհնեա զԱստուած քո նոր ժողովուրդդ դշխոյ դուստր Սիրովնի:

— . —

ԶԱՏԿԻ ԱՌԱՒՈՏ

ԱԻԱԳ ՕՐՀՆՈՒԹԻՒՆ

Աձ. Այսօր յարեալ ի մեռելոց փեսայն անմահ եւ երկնաւոր, քեզ աւետիս խնդութեան, հարսն ի յերկրէ եկեղեցի, օրհնեա ի ձայն ցնծութեան, զԱստուած քո Սիրովն:

Այսօր անճառ լոյսն ի լուսոյ լուսաւորեաց ըզմանկունըս քո, լուսաւորեա Երուսաղէմ, քանզի յարեալ լոյս քո Քրիստոս, օրհնեա¹:

Այսօր խաւարն անգիտութեան հալածեցաւ երբեակ լուսովն, եւ քեզ ծագեաց լոյս դիտութեան, յարուցեալն ի մեռելոց Քրիստոս, օրհնեա¹:

Այսօր զատիկ մեր զենմամբ Քրիստոսի, արացուք տօն ցնծութեամբ, նորոգեալս ի հնութենէ մեղաց ասելով, Քրիստոս յարեալ ի մեռելոց:

Ընդ լուսանալ միաշարաթին կանխեցին կանայքն ի գերեզմանն, ի խնկել զանապական մարմինն: Եւ գտին ըզվէմըն բարձեալ ի դրաց գերեզմանին եւ լուեալ բարբառ ի հրեշտակէն, եթէ յարեաւ Քրիստոս եւ խափանեաց ըզմահ: Եւ հանդիպեալ քո Տէր, առաքելոցն եւ տուեալ ողջոյն կենդանարար, առաքեցեր զնոսա ի փրկութիւն տիեզերաց:

Փառք յարութեան քո տէր: Պատրանօք նախաստեղծին մերկացաք ի լուսոյն, իսկ յարութեամբ միածնիդ ըզգեցաք զանմահութիւն, փառք': Սարանօք փայտին ճաշակեցաք ըզմահ, իսկ ի փայտէն կենաց նորոգեցաք ամենեքեան, փառք':

Ընդ կանայսն իւղարերսն առ քեզ առաւօտեմըք կենդանիդ յաւիտենից Քրիստոս, ընկալ եւ զմերս, փոխանակ խնկոցըն զօրհնաբանութիւնս: Փոխանակ սուրբ աւետաւոր զուարթնոյն, գլթութիւն քո մեզ հանդիպեսցի յուսով գիտութեան, մըխիթարել զհոգիս եւ լուսաւորել: Ընդ նոսին աւետարանութեամբ քարոզեսցուք զքո միայն զսքանչելիսդ, որ յարեարդ ի մեռելոց ամենագոր թագաւոր անմահ:

Որ անճառ էութեամբ հօրդ ես փառակից, չարչարիլ մարմնով յանձն առեր վասըն մեր, մըշտընջենաւոր օրհնութեամբ ի հրեշտակաց օրհնեալ ես տէր: Որ էակդ ես ընդ հօր եւ սուրբ հոգւոյն, խաչեցար եւ թաղեցար կամաւ հօր վասն մեր, մշտնջենաւոր': Որ միւսանգամ գալոց ես հայրենի փառօք, շնորհելով աստուածապէս յարու-

Թիւն Տիեզերաց, յամենայն արարածոց յաւիտե-
նից օրհնեալ ես տէր:

ԽԶ. Որ զանարատ բազուկըս քո խաչին տա-
րածեցեր Քրիստոս Աստուած, եւ նըշան յաղթու-
թեան ետուր մեզ, սովաւ զկեանքս մեր պահեա:
Որ զաշխարհակեցոյց բազկատարածութիւն խա-
չի քո Քրիստոս Աստուած, գաւազան զօրութեան
ետուր մեզ, սովաւ': Որ զմեռեալն ի ճաշակմա-
նէ փայտին յանցանաց, կենաց փայտին կենա-
գործեցեր, սովաւ':

Փառք հօր եւ որդւոյ' .— Այսօր հրեշտակըն
լուսափայլ ի յերկնից իջեալ, զարհուրեցոյց ըզ-
պահապանսն, եւ սուրբ կանանցըն քարոզէր ասե-
լով, Քրիստոս յարեաւ ի մեռելոց:

Այժմ եւ միշտ եւ յաւիտեանս' .— Այսօր նոր
Իսրայէլ կոչեցեալք ի Քրիստոս, ազատեալք ար-
եամբ գառինն Աստուծոյ, պարեսցուք ընդ երկ-
նայնոցն ասելով Քրիստոս յարեաւ ի մեռելոց:

— . —

ՃԱՇՈՒ ՇԱՐԱԿԱՆ

Աձ. Գովեա Երուսաղեմ զՏէր,

Յարեաւ Քրիստոս ի մեռելոց Ալէլուիա,
Եկայք ժողովուրդք երգեցէք Տեառն Ալէլուիա:


Փառք հօր եւ որդւոյ': Այժմ եւ միշտ եւ':


Յարուցելոյն ի մեռելոց ալէլուիա, որ զաշ-
խարհս լուսաւորեաց ալէլուիա:

Վ Ե Ր Զ

On account of	7
Of the	4
By the	19
On account of	5
On account of	8
On account of	8
"	9
"	9
On account of	8
On account of	8
On account of	9
On account of	5
On account of	5
On account of	8
On account of	7
On account of	4
On account of	4
On account of	8
On account of	9
On account of	5
On account of	7
On account of	5
On account of	7
On account of	6
On account of	3
On account of	8
On account of	1
On account of	5
On account of	7
On account of	7
On account of	8
"	8

My Quarters	281.6
My Quarters	2.20
My Quarters	87
My Quarters	91
My Quarters	82
My Quarters	10
My Quarters	46
My Quarters	30
My Quarters	(Pence)





ԳԱԱ Հիմնարար Գիտ. Գրադ.



FL0063203

9
2p

A $\frac{I}{18906}$